

1 KORIYN

Pol Minj Nind Ak Koriyn Biynimb Kuyip Tikak

Minim Nind Niņep

Pol nind am dawin yomb Koriyn mindiy, kuyip minim aņgņek gunap Jiysis nup chingyak. Kisen biynimb Krays ker kun gok gunap mindrep ma giyak minim ak niņiy, minj biy kuyip tikyokak.

Minim Ar Keykey Mindip Rek:

Minim nind aņgak ak mindip chapta 1:1-9.

Krays biynimb nuk gok asik keykey aņning giyak minim ak mindip, chapta 1:10-4:21.

Biyn siy bi siy minim ak sek, biyn bi dep akaņ ma dep minim ak sek mindip, chapta 5:1-7:40.

Biynimb yikop gok gipay miņ ar ak ginjun akaņ ma ginjun aņgiy aņņiņey, Pol kuyip minim gunap aņgak minim ak mindip, chapta 8:1-11:1.

Biynimb Krays ker Gor Kawnan gos űimb rek niņiy penpen wasemb ay, pen dek pen dek giy, mindrep ginimimb aņgak minim ak mindip, chapta 11:2-14:40.

Krays kumiy tip tikjakak rek, biynimb nuk gok kunep giniņgambay aņgak minim ak mindip, chapta 15:1-58.

Koriyn biynimb Krays ker mindeyak gok, Jiwdiya biynimb Krays ker mindeyak gok kuyip maniy gunap di nan-giy yokyak minim ak mindip, chapta 16:1-4.

Minim aņgiwning aņgak minim ak mindip, chapta 16:5-24.

1 ¹Yand Pol. Gor yip woņg aņgayak rek, bi Jiysis nup minim dand amemb bap mindpiyn. Miņiy mam chin Sosteniys yand yip mindiy, ²nimbip Koriyn biynimb Gor ker mindpim gok minj tiksipur. Gor nuk key nimbip biynimb suņ-tep yand mindeyaņ aņgiy diniņg mey, Niņuk Biyomb chin Jiysis Krays nup yokek apiy gek, biynimb suņrep nuk mindpim.

Kun ak nimbip minj tiksipur. Pen minim tiksipur kun biy nimbip nep ma aspur; Biyomb chin Jiysis Krays nup Biyomb angyi angninbay gok kuyip mangyisek aspur.

³Bapiy Gor yip, Ninuk Jiysis Krays yip nimbip simb ninjiy direp ginimiy.

Pol Gor Nup Tep Angak

⁴Pen Gor nimbip direp gip ak ninjiy, nup per tep apiyn. ⁵Yenen: nimb Krays nup chingem, nimbip direp yimb gek, gos ninrep giy, minim angnirep gipim. ⁶Nimbip minim tep ak angniyiing angnuk rek nep gisap. ⁷Jiysis tip andkind winingamb angyi kond mindpim nin biy, Gor nimbip direp yimb gakni, biynimb nuk ar keykey giningambay angak rek gipim. ⁸Nimbip direp giyiing nep mindeningamb ak mey; nin yomb nuk ak apek minim gunap ma dingingambim. ⁹Gor nimbip di Biyomb chin Jiysis Krays yip jimniy ayak ak ninbun: angak rek mangyisek giningamb.

Krays Ker Mindpim Ak Jimniy Mindenimimb

¹⁰Mam ay sikop. Krays ker mindpun ak, minim gunap angyi asik keykey ma aynimimb; Gor nup gosimb ar nokom ninjiy, jimniy mindenimimb. ¹¹Biyn Kilow biynimb nuk gok ap yip ninjiy, penpen angyi mindpim apay. ¹²Nimb gunap, Pol biynimb nuk mindpun apim; gunap, Apolas biynimb nuk mindpun apim; gunap, Piyta biynimb nuk mindpun apim, gunap, Krays biynimb nuk mindpun apim.

¹³Apim kun ak Krays nup tungasik keykey aypim rek ayip. Yip mon bak biyon nangrimik ayey nimbip nen angyi kumen rek, yimb yip angyi Pol biynimb nuk mindpun apim. Pen Pol ker mindpun angyi ning piknimbik? Chin Pol biynimb nuk, chin Apolas biynimb nuk apim ak; tom gipim! ¹⁴Pen am nimb yip mindenik nin ak, nimbip bap ma ning piknik. Kriypas yip, Gayas yip kuyip nep ning piknik. Kun ak Gor nup tep apiyn; ¹⁵yikop ak nimb gunap Pol nup yimb angyi ning piknuk apkip rek ayip. ¹⁶Pen sakiy gipiyn. Stepanas biynimb nuk gok kuyip kunep ning piknik. Biynimb gunap sek ning piknik akan; sakiy gipiyn. ¹⁷Krays yip biynimb gok kuyip ning piknininim angyi ma angak; kuyip minim tep ak angnininim angak. Kun ak ninjiy mey, minim tep nuk ak angnimbim. Pen angniyiing, biynimb gunap chin nep gos tipangiy ninbun angyi apay rek, ma apiyn. Minim kun ak rek angen, biynimb gok Biyomb chin mon bak biyon nangrimikyak minim ak, minim yikop bap rek ayek, ma dipyap rek ayip.

Krays Nuk Nop Gor Kilis Ak Sek Mindip

¹⁸Yenen: Krays chinup angyi kumak minim ak, biynimb mon key yinjab amning gi mindpay gok angon ninjiy, sakiy minim aspay angyi

kirpay; pen chinup biynimb Gor tungasik kim disap gok minim kun ak niñiy, nuk key yimb niñiy gip angyi niñbun. ¹⁹Ar kun ak Baybol buk ak tikiy angyak, “Biynimb gos tipangiy niñbun apay gok, key niñbay ar ak gip, biynimb yand ma mindeniñgambay angyi angyak.”

²⁰Kun ak biynimb gos niñep gok, biynimb sikul yomb ambay gok, biynimb minim yerip yerip angy amiy apiy gipay gok minim yomb tep tep kiyk niñbay ak, Gor niñek, sakiy minim rek ayek, pisnep apyap pikniñg gispay. ²¹Gor nuk key niñrep gip rek, biynimb gosimb chin key okok niñjun angyi, keynep piyow niñbay gok, nuk bi yerip rek angyi ma niñbay. Yenen: nuk key giniñg niñayak rek, biynimb sakiy minim chin angyñimbun ak niñiy dipay gok, piksak dip. ²²Pen Griyk biynimb gok gosimb tep tep ar gunap niñun angyi per piyow niñbay. Jiwda biynimb gok apay, “Tap mageprek gunap gey niñiy, niñind apay angyñingambun apay.” ²³Kun ak mey, Krays chinup angyi kumak minim ak angyon, Jiwda biynimb gok apay, “Minim yiruk gip gok yerip aspim apay.” Griyk biynimb gok apay, “Gosimb tep tep chin piyowniñbun ar ak ma aspim; ñiñloñ ay apay rek aspim apay.” ²⁴Pen chin Jiwda biynimb akañ Jiwda mer, Gor diniñgayn angyi angyayak gok, Ñinuk nup yokek apiy kumiy, chinup di Nop yip jimñiy aysap ak; gos tipangiy niñiy gak ak niñbun. ²⁵Gor niñiy gip ar ak, gos niñrep giy ma gip rek ayingamb ak pen; nuk niñrep giy ma giniñgamb ar gunap mindonimuñ, gos tep tep chin niñiy gipun ar ak tapin wiyniy giniñgamb.

²⁶Mam ay sikop. Nimb key niñim! Gor biynimb nuk diyn angyi, biynimb yimb mindek gok, biynimb tap lum ar biy niñrep yimb gipay gok, biynimb nop nonim yimb yomb mindyñgip gok kuñay ma dak. Nimbip biynimb yikop tam okok rek mindpim gok kuñaynep dek mindpim. ²⁷Nuk angyak, “Biynimb sakiy sek apay gok kuyip dinikniñ; biynimb yomb mindpun apay gok, yimb sek mindpun apay gok nambiñ gek; gunap yip gosimb niñniñgyi angyak.” ²⁸Kun ak biynimb yimb sek mindpun apay gok gos niñyan angyi, kuyip kirgyi, biynimb tam okok yimb ma mindip apay gok kuyip dip. ²⁹Kun gip ak biynimb bap Gor windin yirik ar ak, yimb key dand araniñgyi rek ma ayip.

³⁰Gor Ñinuk Krays Jiysis nup chinup angyi yokek apiy gek mey; nup chingiy biynimb sakiy rek ma mindpun; biynimb suñ-tep kim kisenimb Gor dep rek gok mindpun. ³¹Minim ar kun ak, Baybol buk ak tikiy angyak:

“Biynimb miñmiñ gun angyi key ma miñmiñ giniñgyi, Gor gip rek niñiy, miñmiñ giniñgyi angyak.”

Pol Krays Chinup Mon Kiros Bak Biyoy Kumak Minim Ak Angyñiyngip

2 ¹Pen mam ay sikop. Am nimb yip mindenik ñin ak, Gor minim niñind yimb ak angyñiy angyi, minim kilrep wip gok ma angyñinik.

2 Jiysis Krays chinup angyi kumak minim ak nep angnen niņningiy angyi, 3 minim angyep ma ginim rek ayek niņiy, jep jep diyng, gos yomb niņyng nimbip angninik. 4 Biynimb gunap minim key piyow niņiy, minim yindik andip andip ar kun ak nep rek angun angyi gipay rek ma ginik; Gor Kawnan ak yip gos ñakniņ angnik ak mey; misej niņnimimb rek ayak. 5 Kun ak minim tep timey ar gunap niņiy, Gor nup gosimb ma niņbim; nuk biynimb diyn angyi key yimb gip ak niņiy, nup gosimb niņbim.

Gor Gosimb Tep Tep Nuk Ak

6 Pen yand kunep biynimb Gor nup chingrep gipay gok niņiy, kuyip minim yipul yimb ak angnimbiyn. Pen biynimb yikop gok, biyomb kiyk apyap pikniņ gispay gok sek minim yipul kiyk biynimb angnimbay rek ma angnimbiyn. 7 Minim yipul yand angnimbiyn ak, Gor minim yipul yimb chinup dek, nuk yip mindrep giniņgambun ak angnimbiyn. Nuk miñmon ma alwol gayak ñin ak, biynimb yerer giy diniņgamb minim ak niņak ak pen; minim kun ak wegyi rek mindyngip. 8 Biyomb ñin namb biy mindpay gok minim kun ak ma nep niņbay. Niņbiyap rek angyep, Biyomb chinup direp yimb gip ak nup, mon bak biyoņ ma ñangbirik aypiyap.

9 Pen Baybol buk ak tikiy angyak, “Gor biynimb nup gok kuyip direp giniņgamb. Windin ma niņyak, angney ma niņyak, kun giniņgamb angyi ma nep niņyak ak; kuyip giniņgamb angyak.”

10 Pen minim ma niņyngipay kun ak, Gor Kawnan nuk ak chinup yokek apiy, gos ñek niņbun. Yenen: Gor Kawnan ak Gor gip rek, giniņgamb rek, maņgiysek niņimb. 11 Chin gos yerip yerip niņbun ak biynimb gunap ma niņbay, chin nep niņbun rek, Kawnan nuk ak kunep gip. Nuk Gor gip rek niņiy mey, chinup gos tep kun ak rek ñek niņbun. 12 Kawnan lum biy nimb bap ma dipun; Gor Kawnan nuk yokek dipun ak mey; chinup direp yimb giniņgamb ak niņbun. 13 Bi gos tipangiy niņbay gunap, chinup minim kun ak angyey ma niņbun; sikul angyi ma niņbun; Gor Kawnan gos ñimb rek minim kun ak niņiy mey, biynimb gok kuyip angnimbun. Gor Kawnan minim angyip ak niņiy, biynimb Kawnan nuk sek mindpay gok kuyip angnimbun. 14 Pen biynimb Kawnan nup ma dipay gok, minim nuk ak angon niņey minim rek ma ayip. Kun ak Gor Kawnan ak kiyk yip mindiy, gos ñakniņ niņningiy rek ayip; yikop ak niņey sakiy minim rek ayek, niņrep ma gipay.

15 Pen biynimb Gor Kawnan yip mindpay gok, kinjeņ tep ar ak timey ar ak angyi kasek niņiy, mindrep gey amek mey; biynimb gunap kuyip yenen kun gipim angyi, angy giniņgyi rek ma ayip.

16 Baybol buk ak tikiy angyak:

“Biyimb an rek, Biyomb chin gos timund nuk ak kun giy mindip angniniņgamb. Pen biynimb an rek, nup gos winjkiņniņgamb angyak.”

Pen Krays chinup biynimb nuk mindpun gok, gos nuk niñimb rek ñakniñ, niñrep gipun.

Bi Gor Woŋg Nup Giñemb Gok

3 ¹⁻²Mam ay sikop. Nind nimb yip mindenik ñin ak, Krays biynimb nuk mindyngipim ak pen; gos yomb nimb ak amyngip tap man ar biy ker gok. Ñapan ñaŋ tiy niñemb rek ak mindyngipim: biynimb yomb tap key ñimbay rek ma mindyngipim. Kun ak nimbip Gor minim gunap aŋgñinik, gunap aŋgñen ma niñnimimb rek ayek ma aŋgñinik. Mindpun ñin biy kunep, tap lum ar biy gos niñyng nep mindpim rek, Gor nup gosimb niñbim ak, ñapan ñaŋ gosimb niñbay rek nep niñbim. ³Miluk niñiy, penpen aŋgiy mindpim ak; biynimb yikop gok gipay rek gipim. ⁴Gunap, “Apolas biynimb nuk mindpun apim;” gunap, “Pol biynimb nuk mindpun apim,” Kun ak nimb biynimb yikop gipay rek gipim.

⁵Apolas chirmiñay biyomb yerip rek mindor, minim kun ak apim. Chir bi yikop omiñal ak pen; Gor aŋgek, minim tep nup ak aŋgñor niñiy nup dipik.

Pen chirupmiñay woŋg ar keykey aŋgayak rek gipur. ⁶Yip aŋgek, miñmon nimb ak amiy tap yiñ ak yimnik. Apolas nup aŋgek kisen amiy, niñg am mal dap, tap yimnik kun ak songak. Pen Gor nuk nep gek jakak. ⁷Kun ak, chir bi yikop tap yiñ yimiy, niñg songiy gipur ak, yimb chirup ma dand aranimimb. Gor gek jakak rek, yimb nup ak dand aranimimb. ⁸Biynimb tap yiñ yimbay gok, biynimb niñg dap sopay gok woŋg ar nokom yimb gipay ak mey, woŋg gipay gipay rek niñiy, kuyip pey niñingamb. ⁹Chirmiñay Gor woŋg ak jimñiy gipur; woŋgday nuk ak nimb mindpim.

Gor Korip Nuk Gayak Ak Nimb Mindpim

Pen minim bap: nimb biynimb Gor ker mindpim gok, Gor korip nuk rek mindpim. ¹⁰Yip simb niñiy dek, bi korip nup gep ak mindiy, korip sap yomb namb biyañ ak piñiyen, biynimb gunap apiy day day mindip gok kisen gispay. Pen ap korip kun ak giniñg, niñrep giy nokom giniñgiy. ¹¹Gor korip nuk ak, Jiysis Krays nup sap yomb namb biyañ pisnep piñiyip ak; biynimb gunap tuŋgiw yokiy, kisenimb bap piñiyningiy rek ma ayip.

¹²Pen korip day day mindek gispay ak, biynimb gunap gol, siylpa, kamb teprep dapiy giniñgambay; gunap mon alik tap tiñiy monmon okok dapiy giniñgambay. ¹³Pen woŋg yerip yerip giniñgambay ak; Krays apiy sup ñek yinek, maŋgiysek niñningambay. ¹⁴Korip day kilis mindeniñgamb gok pey niñingamb. ¹⁵Day pisnep yinpaŋg yowningamb gok pey ma niñingamb. Biynimb korip yinpaŋg yowningamb day kun gok giniñgambay gok, nuk yip kim mindeniñgambay ak pen; simbgeprek korip yinek, tap ma mindip rek gok mindeniñgambay.

¹⁶Gor Kawnan nimb yip nep mindip ak, korip ñiluk miŋgan tep nuk ak rek mindpim! ¹⁷Biynimb gunap Gor korip ñiluk miŋgan nuk asikrep gep ak, gi timey geningambay, kuyip pen kunep gi timey giniŋgamb.

Chin Nep Biynimb Gos Niŋep Mindpun Anŋiy, Ma Anŋnimimb

¹⁸Niŋrep ginimimb. Nimb gunap gos yomb biynimb yikop gok piyow niŋbay rek nep niŋiy, biynimb gos niŋep mindpun anŋniŋgambim ak pen; sakiy ayek kun anŋniŋgambim. Biynimb sakiy sek mindpun anŋiy mey, gos tep ak piyow niŋniŋgambim. ¹⁹Pen biynimb yikop minim yomb yomb rek anŋiy niŋbay gok, Gor niŋek sakiy minim rek ayip. Baybol buk ak tikiy anŋyak, “Biynimb gos tipanŋiy niŋiy; niŋrep gipun apay gok, Gor gek pisnep apyap pikniŋgambay anŋyak.” ²⁰Pen minim bap sek tikiy anŋyak, “Biynimb yikop gos tipanŋiy niŋbun apay gok, Biyomb ak niŋek, minim junj bap ma mindip; yesek apay anŋyak.” ²¹Kun ak biynimb gunap kuyip, biynimb yomb mindpay anŋiy yimb ma dand aranimimb. Pen biynimb akaŋ, tap yerip yerip mindip gok, Gor nimbip niŋiy gayek mindip. ²²Yand Pol, Apolas, Siypas; mankumb biy; tap yerip yerip okok maŋgiysek; miŋiy mindpim ak, kisen mindeniŋgambim ak, akaŋ kumniŋgambim ak Gor nimbip niŋiy gek mey; kun giy mindiy, kun giy giniŋgamb. ²³Pen nimbik Krays ker mindpim; Krays nuk Nop Gor ker mindip.

Bi Jiysis Minim Dand Amemb

4 ¹Kun ak Apolas chirmiŋay mey; bi Krays angek biynimb nuk gok kuyip kond mindiy, Gor minim tep ma niŋyiŋgipay ak anŋñimbur. ²Bi woŋg giñemb gok, biynimb gunap kuyip kond mindeniŋgambay ak pen, monmon giniŋgiy rek ma mindip; Nop kiyk ak anŋak rek nep giniŋgambay.

³Pen nimb akaŋ; biynimb gunap yip anŋniŋgambim, woŋg nuk monmon gip anŋniŋgambim ak: yikop anŋniŋgambim. Nuk woŋg tep gip anŋniŋgambim ak, kunep yikop anŋniŋgambim. ⁴Yand key mindrep gipiyn anŋiy niŋbiyn ak pen; minim kun ak rek Gor nuk key anŋniŋgamb. ⁵Kun ak miŋiy minim kun ak rek ma anŋnimimb. Biyomb key apiy, minim kun ak rek anŋniŋgamb. Weygiy gipay gok, misenŋ gipay gok maŋgiysek misenŋ anŋniŋgamb. Gos yerip niŋiy nup woŋg giñimbay ak kunep niŋiy anŋniŋgamb. Kun ak mey, ñin kun ak biynimb maŋgiysek gipay gipay rek kuyip minim tep anŋniŋgamb.

Koriyn Biynimb Yimb Kiyk Key Dand Aranyak

⁶Pen mam ay yand gok. Minim apiyn kun ak, Apolas chirmiŋay apiyn ak pen; nimbip anŋñirep gispiyn. Nimb key gos tipanŋiy niŋbun anŋiy key tep gakniŋ, bi nimbip minim anŋñimbay gunap kuyip yimb dand

aranying, gunap kuyip ma kirginimimb aspiyn. Pen Baybol buk tikiy angyak rek ginimimb; gos key niqbim rek ma ginimimb apiyn. ⁷Gor nep gek biynimb nuk gok mindiy, gos sek mindpun. Pen gos tep niqbun ak, nuk nep gek niqbun. Kun ak yenen yimb nimbik key dand araniy apim, “Chin biynimb niqrep giy, girep yimb gipun apim?”

⁸Pen nimb key niqem, minim miker nimb gunap ma mindip! Chin mindrep yimb giy, biynimb yomb yimb mindiy, kiyn gok mindrep gipay rek mindpun apim ak pen; am Krays yip mindiy, kiyn mindrep gipay rek mindoningambun ñin ak ma owip. ⁹Kun ak nimb mindrep gipim ak pen; chin bi Nop anggek Jiysis minim dand amemb mindpun gok, bi yikop rek ayek, chinup miluk niqiy, biynimb kuqay mindpay namb ak pikayon, kuyip nambiñ gañ anggiy gos ak nep niqbay. ¹⁰Krays nup gosimb niqiy wong tapin gon, chinup niqey bi sakiy rek ayip; pen nimb Krays biynimb gos tipangiy niqep nuk gok rek mindpim. Chin bi sayn; nimb biynimb kalrimey rek ayip. Chin bi yimb sek mer; nimb biynimb yimb sek gok rek ayip. ¹¹Wosrey tikiy, mind dand apiy miñiy mindpun ñin biy, chech ma mindiy, korip ma mindiy, yiwon giy, kuqam kinjik giy, kumemb rek ay, chinup per pik gey gey kosyam yimb mindpun. ¹²Keynep tiqiy yiwur giy, tap ñimbun. Chinup timey giy, angjiwiyy gey; pemiyy ma apun. Kuyip pen Gor kond minden anggiy, nup angniqbun. ¹³Chinup minim timey anggey, pen minim sayn apun. Kun ak, chin silkul tap day day rek mindon mindon ñin biy wip.

¹⁴Minim tiksipiyn biy nimbip angjiwyiñ nambiñ diniñgiy anggiy ma aspiyn; ñapan yand anggiy timund winjikyiñ aspiyn. ¹⁵Pen Krays minim tep ak bi gunap anggey ma dipik: yand nep angñenik niqiy dipik. Kun ak nimb ñi pañ yand. Nimb yip nap nimbik. Nimbip Krays minim angñiningambay bi gok kuqay yimb mindpay ak pen; nap nimbik ak yand nokom yimb. ¹⁶Kun ak nimbip aspiyn: yand gipiyn gipiyn rek niqiy ginimimb. ¹⁷Ar kun ak nep, Timotiy ñi tep yand Gor minim angñen niqrep gip ak nup yoksipiyn. Nuk amiy, Krays biynimb nuk miñmon keykey mindpay gok kuyip, per angñimbiyn minim ak, nimbip tip ak angñirep gek niqrep giningambim.

¹⁸Nimb gunap Pol nuk key ma winingamb anggiy, alemb alemb ñiyiñ mindeningambim ak pen; ¹⁹Biyomb ak yaw anggek, kasek niningayn. Amjakiy, bi yimb kiyk dand araniy yip angsikoy gipay gok, kilis kiyk yerip rek mindip anggiy niqningayn. ²⁰Gor binuk yimb, nup chingiy mindpay akan; minim nep anggyiñ gi mindpay anggiy niqningayn. ²¹Kun ak yand apiy nimbip yerip ginim? Wasemb ay minim sayn angnim akan; minim yomb anggiy timund winjiknim?

Koriyn Bi Bap Nonim Andik Nup Dak

5 ¹Yip angñiy apay, “Bi nimb bap nonim andik anup di mindip apay.” Pen biynimb Gor nup gosimb ma niqbay gok, tap siy tap

timey kun ak rek ma gipay. ²Namam kun gek, yenen kun gipun angyi nimbip nambiꞑ ma gip? Krays ker mindpim rek, namam kun ak nup angem, nimb yip ma mindonimuꞑ. ³Yand paryomb akniy mindpiyn ak pen, nimbip gos niꞑyꞑng mindpiyn. Bi tap siy tap timey gip kun ak nup, yerginiꞑgambun ak niꞑbiyn. ⁴Nimb biynimb Krays ker mindpim gok, ap nan-giniꞑgambim nin ak, Biyomb chin Krays nimbip gos ñakniꞑ, gos yand niꞑbiyn rek niꝼy, ⁵bi kun ak nup angem nimb yip lotiw ma ginimuꝼ. Seytan nup nin ar ak anꝼ ayem nup gi timey gek; gos niꝼy, kor yomb niꝼep nin ak, Biyomb ker mindonimuꝼ.

⁶Pen nimb bi tap siy tap timey gip ak yip jimniy mindiy, mindrep gipun apim ak, tep ma gip. Biret giniꝼ, tap yiys apay ak siskoy band gunap sesek ayey yomb yimb tan aranimb. ⁷Nimb biret yiys sek ma mindip rek mindpim gok, yiys timey ak maꝼgiysek kirgiy, biynimb tep nep mindenimimb. Chin Jiwda kay Gor nup tap pik simboꝼgyiꝼgipun nin ak, tap siy tap timey, tap yerip okok asik tep yimb giyiꝼgipun. ⁸Kun ak rek, Krays chinup nen kumimb angyi niꝼbun biynimb gok kunep ginjun. Biynimb gunap nep tap siy tap timey gi yomey, kuꝼaynep giniꝼgyi rek ayip. Gos kun ak niꝼy, minim tep yipund giy ar ak nep anꝼ amiy apiy giy, mindrep ginimimb. ⁹Nimbip minj tikiy anꝼnik, “Biyimb tap siy tap timey gipay gok yip jimniy ma mindenimimb anꝼnik.” ¹⁰Pen nimb anꝼniꝼgambim, biynimb Krays nup gosimb niꝼbay gok, gosimb ma niꝼbay gok maꝼgiysek kirgiyaꝼ angyi asap anꝼniꝼgambim. Pen ak mer. Biynimb nup ma diy, biynimb gunap tap kuyip gok chin nimb tikaꝼ angyi, biyn siy bi siy giy, tap siy diy, tap yikop gok gor chin angyi anꝼniꝼbay biynimb gok, man ar biy sikoy ma mindpay. Miñmon okok maꝼgiysek mindpay ak, kuyip kirginjun rek ma ayip. ¹¹Pen biynimb Krays nup diy mam ay chin apun gok tikjak, biynimb gunap tap kuyip gok yip nimb tika괁 angyi, biyn siy bi siy giy, tap siy diy, tap yikop gok gor chin angyi an괁ni괁y, biynimb an괁jiwiy, ni괁ng kilis ni괁biy sakiy ay gini괁gambay gok; kiy yip ma ta괁gyi, jimniy tap ma ni괁nimimb angyi apiyn.

¹²⁻¹³Biyimb Krays ker ma mindpay gok, yenen kun gipim angyi, an괁 ginjun rek ma ayip; Gor nep mey, minim kun gok rek kuyip an괁ni괁gamb. Pen biynimb Krays ker mindpay gok, minim kun ak rek an괁ni괁gambun. Kun ak, bi nimb tap siy tap timey gip kun ak nup angem, nimb yip lotiw giyi괁g ma mindonimu괁.

Biyimb Krays Ker Kor Niꝼbay

6 ¹Pen nimb Krays ker mindpim gok, mam Krays ker mindpay gunap kuyip damem kor ni괁ni괁gyi ak pen, yenen bi Krays ker ma mindpay gok kuyip damem kor ni괁bay. ²Chin Krays biynimb nuk mindpun gok, kisen biynimb yikop gok kuyip ma괁giysek, kor ni괁ni괁gambun minim

ak ma niɲbim? Kor sikoy kun ak key gem kumnimuj ak pen; yenen bi Krays nup ma dipay gok damem, niɲbay. ³Chin kisen enjol gok kuyip kor niɲniɲgambun ak, kor sikoy kun gok, key niɲjun. ⁴⁻⁶Akaɲ biynimb gos niɲep bap ma mindek, mam gunap tikjak mam gunap kuyip dam, biynimb Gor nup gosimb ma niɲbay gok kuyip aɲgem, kor niɲbay. Nimbip nambij ma gip?

⁷Pen kor minek minek gipim ak, apyap pikniɲg gispim. Nimbip timey giy akaɲ, tap nimbip gok piliɲg dey; kirginimimb ak pen, yenen kuyip dand kor ambim? ⁸Pen yerginiɲg, namam nimbik gok key timey giyiɲg, tap kuyip gok piliɲg diyiɲg gipim? ⁹Niɲrep ginimimb. Gor biynimb timey gipay gok kuyip diy ma kond mindeniɲgamb. Biynimb tap yikop aɲgniɲbay gok; biyn siy bi siy gipay gok; siɲgilwaɲ dipay gok; ¹⁰tap siy dipay gok; biynimb gunap tap kuyip gok chin nimb tikaɲ apay gok; niɲg kilis niɲmbiy sakiy aypay gok; biynimb gunap kuyip aɲgiwpay gok; Gor kuyip diy ma kond mindeniɲgamb. ¹¹Nimb gunap tap siy tap timey kun ak rek giyiɲgipim ak mey; minim yomb mindek, Gor yip jimniy mindep rek ma ayak. Pen Gor Kawnan ak nimbip gos tep niɲek, Krays nimbip aɲgiy kumak gos ak niɲrep giy, nup chiɲgiy, Gor yip jimniy mindiy, biynimb tep nuk minim ma mindip gok mindpim.

Biyn Siy Bi Siy Ma Ginimimb

¹²Pen nimb gunap apim, “Yerer giniɲg giniɲgambun; minim ma mindip apim.” Kun apim ak pen, ar gunap giy mindrep ma giniɲgambun; ar gunap giy gos yomb chin ar kun anep amek, kisen mindrep ginjun rek ma aɲniɲgamb. Kun ak yand tap monmon gok ma giniɲgayn.

¹³Nimb gunap pen apim, “Chinup koɲgiy ayak rek tap niɲmbiyiɲg nep mindeniɲgambun apim.” Kun apim ak pen, Gor gek koɲgiy ak sek, tap kun gok sek ma mindeniɲgamb. Biynimb gayak niɲn ak, biyn siy bi siy giniɲgiy aɲgiy ma gayak; yand kuyip direp giniɲgayn, kiyk yip direp giniɲgiy aɲgiy gayak. ¹⁴Nuk Biyomb kun ak key. Niɲnuk kumek key yimb gek tikjakak rek, chinup kunep giniɲgamb ak niɲiy, mindrep ginjun.

¹⁵Nimb niɲbim: Krays junwon, chin niɲn tomb day nuk okok rek mindpun. Kun ak yergiy, Krays day bap dand amiy, kinjeɲram biyn gok yip pirengiy ayjun. ¹⁶Baybol buk ak tikiy aɲgyak, “Jimniy kiner mumbwak nokom aɲniɲgamb aɲgyak.” ¹⁷Chin kinjeɲram biyn gok kuyip ker ma mindpun; Krays nup chiɲgiy biynimb nuk yimb gok mindpun. ¹⁸Biyn siy bi siy gep ar ak asikrep ginimimb. Tap siy tap timey gunap gon kun ma gip ak pen; biyn siy bi siy giniɲgambun ak, mumbwak chin key gon timey giniɲgamb. ¹⁹Pen nimb niɲbim: Gor Kawnan nuk ak yokek apiy, chin yip nep mindpun ak mey, korip miɲgan tep nuk rek ak mindpun. Kun ak key gos niɲbun rek gun aɲgiy gos ak ma niɲjun. ²⁰Chinup kosyam yimb tunɲasik dek biynimb nuk mindpun ak, yimb nup aranimuj ar ak nep ginjun.

Bi Beriymañay Gok Mumbwak Kiyk Nokom Mindip

7 ¹Yip minj tikiy minim apik ak, nimbip pen añgning gispiyn. Biyn gok bi ma diy, bi gok biyn ma diy giningambay ak tep. ²Pen minek minek biyn siy bi siy gey timey gip rek, biyn gok bi kiyk key mindakniñ mindeningambay; bi gok biyn kiyk key mindakniñ mindeningambay ak tep yimb. ³Pen nuñgumiy biynuk yip kining angek, yaw angyi kiningayr. Biynuk nuñgumiy yip kining angek, yaw angyi kiningayr. ⁴Pen nuñgumiy mumbwak ak nuk key mer: biynuk yip tap kiyk jimñiy. Biynuk mumbwak ak kunep nuk key mer: nuñgumiy yip tap kiyk jimñiy. ⁵Kun ak nuñgumiy angek, biynuk mer ma angnimuñ. Biynuk angek, nuñgumiy mer ma angnimuñ. Yaw angyi kinimiy. Pen Gor nup gosimb nokom niñiy, angninying mindor angyi, minim anj ar nokom ay, nup angninying mindeningayr. Kisen tip ak kiningayr. Mer ak Seytan nimbip gek, gos gunap niñiy gem amek, apyap pikningambim rek ayip. ⁶Pen low minim bap kun giy ma mindip; yand nep aspiyn. ⁷Gos yand niñbiyn ak, yand yikop mindpiyn rek mindeningambim ak, tep yimb. Kun giy gos niñbiyn ak pen, Gor gos nuk key niñimb rek, chinup kilis keykey ñimb. Biynimb gunap kilis tep bap ñek, ar gunap key gipay; biynimb gunap kilis bap key ñek, ar gunap key gipay. Kun gip rek, nimb mañgiysek yand yikop mindpiyn rek mindenimimb angyi ma apiyn.

⁸Pen biyn piñ bi paranj mindpay gok sek, biyn palpal gok sek yand yikop mindpiyn rek mindeningambay ak, tep yimb. ⁹Pen biynimb gunap yikop mindiy, siy siy gun angyi gos ak nep apek, mindrep ma giningambay. Kun genimuñ, biyn gok bi kiyk keykey dingingiy, bi gok biyn kiyk keykey dingingiy. Mer ak namb kuyip biyan mon rek yinek, mindrep ma giningambay.

¹⁰Biyn bi beryong gok, kuyip minim bap angning gispiyn. Yand nep mer: Biyomb ak minim nuk. Biyn gok nuñgumiy sikop kuyip ma kiring amningiy. ¹¹Pen kiring amiy bi kisenimb ma dingingiy; yikop nep mindeningiy. Bi dinging, am nuñgumiy nindnimb anup, tip ak dingingiy. Bi gok kunep, biyn gok kuyip ma angyokningiy.

¹²Pen nimbip biynimb yikop gok minim bap angning gispiyn. Bi Gor ker mindonimuñ bap nup, biyn Gor ker ma mindonimuñ bap nup nind di mindiy, “Mindoningambur” angek, biyn Gor ker ma mindip angyi, nup ma angyoknimuñ. ¹³Pen biyn Gor ker mindonimuñ bap, bi Gor ker ma mindonimuñ bap nup nind di mindiy, “Mindoningambur” angek, bi Gor ker ma mindip angyi, ma kiring amnimuñ. ¹⁴Pen bi Gor ker mindonimuñ ak, biyn Gor nup gosimb ma niñimb ak dipiyn angyi, ma angyoknimuñ. Yip mindiy, Gor ñin ar ak mindeningambiyr. Pen biyn Gor ker mindonimuñ ak, nuñgumiy nup ma kiring amnimuñ. Yip mindiy, Gor ñin ar ak mindeningayr. Napan kiy tikningayr ak minim ma mindip; Gor dinimuñ rek nep mindeningamb.

¹⁵Bi beryong diy mindpay gok, nuṅgumiy nep Gor ker mindek, biynuk Gor ker ma mindiy, kilis giy nuṅgumiy nup kiring amniṅ gonimuṅ; biyn yand aṅgiy ma dirbiknimimb, yaw aṅgem, amnimuṅ. Mer ak penpen giy, mindrep ma giniṅgambim.

Pen biyn ak Gor ker mindek, nuṅgumiy Gor ker ma mindiy, kilis giy biynuk nup kiring amniṅ gonimuṅ; bi yand aṅgiy ma dirbiknimimb. Yaw aṅgem, amnimuṅ. Mer ak penpen giy, mindrep ma giniṅgambim. Biyomb chin ak kapkap mindrep giyaṅ aṅgiy chinup dip.

¹⁶Pen nimb biyn Gor ker mindpim gok, nuṅgumiy yip nep mindem, Gor nup chingniṅgiy rek ayip ak: ma niṅbim? Nimb bi Gor ker mindpim gok, biyn nimbik yip nep mindem, Gor nup chingniṅgiy rek ayip ak; ma niṅbim?

¹⁷Biyonimb Gor ker mindpay miñmon okok maṅgiysek, kuyip per apiyn, “Nimb yerer giy rek mindem Gor nimbip dak ak niṅiy, ar kun ak nep mindenimimb apiyn.” ¹⁸Pen bi kumbak sek mindey Gor kuyip dip gok, kumbak ma tikniṅgiy. Bi kumbak tikey kuyip dip gok, tip ak poṅgwir ma giniṅgiy. ¹⁹Kumbak tikiy akaṅ, ma tikiy, Gor binuk mindpay ak, minim ma mindip. Pen Gor aṅgip rek niṅiy gipun ak tap yomb yimb.

²⁰Nind yerer giy rek mindem Gor nimbip dak ak, ar kun ak nep mindenimimb. ²¹Nimbip gunap bi gunap tawiy dam woṅ kuyip ak aṅ ayey, pey ak ma diy, apay apay rek giy kalambis woṅ rek gipim. Pen Gor nimbip dip rek, kuyip kiring amjun aṅgiy gos ak ma niṅnimimb. Pen kisen kirgiy yikop mindep rek ayonimuṅ, kirgiy yikop mindenimimb. Pen biyomb apay rek kisen gipim ak, nimb nep ma gipim; ²²Krays chinup dek, biynimb nuk mindpun gok maṅgiysek, aṅgip rek kisen gipun. Pen tap siy tap timey giy kalambis rek mindon Krays chinup dek, miñiy kind nup okok ken mindiy, mindrep gun aṅgiy gos ak niṅnimimb. ²³Gor Niñuk ak timey giyiṅgipim ak niṅiy, sanj yomb yimb rek gek, biynimb nuk mindpim. Gos kun ak niṅiy, biynimb Gor minim aspun aṅgiy yesek apay gunap, ap minim ar gunap key aṅgeniṅgiy, kuyip ma kisen ginimimb. ²⁴Kun ak mam ay sikop. Yerer giy rek mindem Gor nimbip dak ak; ar kun ak nep mindenimimb.

Biyon Piñ Bi Paranj Gok Kuyip Minim Ak

²⁵Pen biyn dep bi dep minim ak aṅgniṅ gispiyn. Minim kun biy Biyomb ak aṅgek niṅiy nimbip ma aspiyn. Pen nuk yip simb niṅiy diy kond mindip rek, nimbip minim yesek gunap ma aṅgniṅgayn. ²⁶Miñiy kosyam mindep rek ayip niñ biy, mindpim rek nep mindenimimb. ²⁷⁻²⁸Nimb bi biyn sek akaṅ, biyn bi sek mindpim gok, biyn chin gok kuyip akaṅ, bi chin gok kuyip kirgiy, yikop mindon aṅgiy ma aṅgnimimb. Pen nimb biyn sek ma mindpim gok, bi sek ma mindpim gok, biyn dun bi dun aṅgiy gos ak ma niṅnimimb. Pen diniṅgambim ak minim ma mindip. Diy mey, miker keykey diniṅgambim gos ak niṅiy aspiyn.

²⁹Mam ay sikop. Minim aspiyn kun ak, Biyomb chin Krays mañ mindip winiᅅgamb ak, biyn sek bi sek mindpun aᅅgiy gos yomb ma niñjun; Gor ker mindpun aᅅgiy gos yomb ak niñjun. ³⁰Chin biynimb simb gek siy aᅅgep rek mindpun gok; gos kun ak ma niñiy, yikop mindpun rek mindonjun. Biynimb miñmiñ gep rek gaksiñ mindpun gok; gos kun ak ma niñiy, yikop mindpun rek mindonjun. Biynimb tap tawpun gok; biynimb tap ma mindip rek mindonjun. ³¹Biyimb tap lum ar biy niñyiᅅᅅ diyiᅅᅅ mindpun gok; tap kun gok niñon tap yomb rek ma aynimuᅅ. Yenen: mankumb biy key kindiknimb ayniᅅᅅgamb ñin ak mañ mindip.

³²Yip tep gip ak, nimbip miker yomb ma ginimuᅅ. Bi biyn ma dipay gok Gor nup gosimb niñiy, yergen Bapiy Gor nup tep giniᅅᅅgamb aᅅgiy niñniᅅᅅgambay. ³³Bi biyn sek gok, yergen biyn yand ak nup tep giniᅅᅅgamb aᅅgiy, tap lum ar biy gos yomb ak niñiy gey amniᅅᅅgamb. ³⁴Kun gek, nuk gos omiᅅal niñniᅅᅅgamb. Biyn bi ma dipay gok, Gor nup gosimb niñiy mindrep giy, nup nep gosimb niñun aᅅgiy niñniᅅᅅgambay; pen biyn bi sek gok yergen, bi yand ak nup tep giniᅅᅅgamb aᅅgiy, tap lum ar biy gos ak niñiy gey amniᅅᅅgamb. ³⁵Minim aspiyn kun biy, nimbip mer aᅅgiy ma aspiyn; nimbip gos niñiy, Biyomb ak nup gosimb niñyiᅅᅅ, mindrep gim aᅅgiy aspiyn. Yikop ak gos omiᅅal niñiy, nup direp ma giniᅅᅅgambim.

³⁶Pen bi gunap yikop mindey, kuyip biyn dap ñey, yand bi woskey mindeniᅅᅅgayn aᅅgiy, mind dand amiy, biyn kun ak nup niñey mindep rek ma ayek akaᅅ, biyn yimgeprek mindek niñiy, diniᅅᅅgambay ak tep. Minim ma mindip. ³⁷Pen bi woskey kun gok rek, nup nembnemb giy mer; Gor nup nep gosimb niñiyn aᅅgiy, biyn ma diy, kilis yimb giy mindeniᅅᅅgambay ak, kunep minim ma mindip. Tep yimb giniᅅᅅgambay. ³⁸Kun ak bi biyn kuyip aᅅgyak ak dipay gok tep dipay. Pen biyn ma diy, yikop mindiy mindrep gipay gok, tep yimb gipay.

³⁹Biyn gok nuᅅᅅgumiᅅ sikop mindyakniᅅ, yip nep mindeniᅅᅅgambay. Kumek nep mey; am bi kisen diniᅅᅅ, diniᅅᅅgambay. Pen bi Gor ker mindeniᅅᅅgiy gok nep diniᅅᅅgiy. ⁴⁰Pen gos yand niñbiyn ak: yikop mindpay rek mindeniᅅᅅgiy ak, tep yimb. Yand nep mer: Gor Kawnan ak, yip gos ñakniᅅ aspiyn rek ayip.

Tap Pik Chip Day Tap Gok Simboᅅᅅgipay Ak Niñjun Akan Mer Aᅅgyak

8 ¹Pen biynimb yikop tap yesek aᅅᅅniᅅᅅbay gok, kuyip tap simboᅅᅅgiy pikey niñjun akaᅅ ma niñjun aᅅgiy yip aᅅᅅniᅅᅅbim minim ak, nimbip pen aᅅᅅniᅅᅅ gispiyn. Nimb gunap apim, “Chin biynimb gos niñep mindpun. Tap niñemb tap gunap simboᅅᅅgiy pikpay ak niñniᅅᅅ niñniᅅᅅgambun apim.” Apim kun ak Gor nup wasemb ay, biynimb gok kuyip wasemb ay ma apim.

²Biyimb gos niñep yimb mindpun apay gok, minim niñniᅅᅅgiy ak ma niñiy, kun apay. ³Pen Gor nuk biynimb nup gosimb nokom niñiy wasemb aypay gok, biynimb yand aᅅgiy niñimb.

⁴Pen tap kiyk simbongipay kun gok chin niñbun: tap mer; Gor nep mey, Biyomb yimb. ⁵Biynimb gunap tap chin aŋgniñbun mey ak aŋgiy, biyomb chinup kond mindonimuñ mey ak aŋgiy, tap keykey semb biyong man biy aŋgniñbay ak pen; ⁶Gor chin ak nokom yimb mindip. Nuk Bapiy chin tap okok maŋgiysek gayek mindip. Nuk mindakniñ chin mindpun. Ñinuk Biyomb chin Jiysis Krays kunep nokom nep mindip. Nuk mindek mey, tap maŋgiysek gayrik. Nuk mindakniñ chin mindpun. Tap gunap simbongipay gok yikop simbongipay.

⁷Pen biynimb gunap minim kun ak ma niñbay rek, nimb Gor nup chingrep gipim gok, tap simbongiy pikpay kun gok monmon ñimbeniñgambim, kiyk kunep ñimbiy, chin Gor ker mindpun rek, yenen tap simbongiy pikpay ak ñimbspun aŋgiy, gospar ayiñg ñimbey, Gor niñek tep ma giniñgamb. ⁸Pen tap asikpun akañ monmon ñimbun ak, minim ma mindip.

⁹Pen nimb biynimb niñrep gipim gok, tap bap ñimbon, mam ay niñrep ma gipay gok niñiy kunep giy, apyap pikniñgiy rek ayip ak niñiy, tap kun ak ma ñiñnimimb. ¹⁰Yenen: nimb biynimb niñrep gipim gok, am gor yesek aŋgniñbay korip miñgan ak amiy, tap ñimbem, mam ay niñrep ma gipay gok, ap nimbip niñiy kiyk kunep ñiñniñgiy rek ayip. ¹¹⁻¹²Kun ak nimb niñrep gipun aŋgiy gem, mam ay Krays diniñg kumak gok gospar ayiñg kunep giy, apyap pikniñgambay. Giniñgambim ar kun ak, kuyip direp ma giy, Krays nup direp ma giy giniñgambim. ¹³Kun ak tap ñiñemb gunap ñimben, mam ay gunap ñimbiy apyap pikniñgiy rek ayek niñiy, tap kun gok ma ñiñnim.

Pol Pey Ma Dak Ak Nup Tep Gak

9 ¹Yand bi Jiysis minim dand amemb mindpiyn rek, tap bap yip kinjeñ ma tikip; nimbip woŋg giñimbiyn rek, yip tap gunap ñinimimb aŋgniñg apniñ. Akañ yand bi Jiysis minim dand amemb ma mindpiyn. Nimb niñbim: yand Biyomb chin Jiysis nup windin niñiy, minim tep nup ak aŋgāen, nimb diy mey; biynimb nuk mindpim.

²Biynimb gunap yip bi yikop aŋgiy niñniñgiy rek ayip ak pen, nimbip minim tep aŋgenik niñbik rek, yip niñrep gipim. ³Biynimb gunap yip minim yomb aŋgey, kuyip pen apiyn, “Biynimb Gor minim tep ak aŋgen, nup chingipay gok kuyip windin ma niñbim ak mey, yip minim yomb aspim apiyn.”

⁴Nimbip woŋg giñimbiyn rek, pen tap keñmaŋgiy tap gok dinim rek ma ayip? ⁵Woŋg nimbip gipiyn rek, yand pen ay Jiysis nup chingip bap diy, dand minim tep aŋñirangiñg, tap ñiñjur rek ma ayip? Piyta sek, bi Jiysis minim dand amemb gunap sek, mam yikop gunap sek per biyn kiyk gok sek dand taŋgey, kuyip direp gipay. ⁶Akañ Banabas chirmiñay nep kinjeñ bap ma mindek, maniy woŋg piskind ak giyiñg tap ñimbur.

⁷Bi amiy gok wong gipay rek, tap kiyk key ma piyow niñbay. Kuyip tap ñey ñimbay. Bi tap yimbay gok, yimbay rek pipang dapiy ñimbay. Bi kaw mokpay gok, mokpay rek, tiy mik diy ñimbay. ⁸Minim aspiyn kun ak niñem, Gor minim rek ma ayip, biynimb gos timund key niñiy apay rek ayip? ⁹Pen Mosis Gor low minim ak tikiy angak:

“Kanj kaw gok ponind apiy, wiyt tawsimb jakey mañgiy ak key ay cheñg ak key ay gan anggiy, dap ayem wong giyakniñ, meñg mingan kuyip ak ma tiwningrimbiknimimb; wong giniñgambay rek gunap niñningiy angak.”

Gor kanj kaw gok gosimb niñiy minim kun ak ma angak; ¹⁰chinup gos niñiy angak. Biynimb tiñiy yiwur giy wong gi yimbay gok, biynimb pang dand opay gok, kuyip gunap ñey ñimbyiñg, tep gakniñ wong giniñgiy angak. ¹¹Nimbip permindep minim tep ak angon niñiy dipim rek, chinup pen tap lum ar biy mindip gok niñiñgambim ak tep yimb. ¹²Pen biynimb gunap nimbip minim tep ak angñey, maniy tap gok ñimbim rek, Apolas chir nimbip per angñor niñbim ak, ma niñiñgambim? Pen nimbip angniñiy maniy tap gok diprup ak pen; dor, biynimb gunap chirup Gor minim tep ak ma angñiraspiyr, maniy nen asim anggraspiyr anggiy, Krays minim tep ak ma niñiñgambay ak niñiy, maniy tap nimbip gok ma diy, chir key maniy wong giy, tap taw ñimbyiñg angñirapur.

¹³Pen nimb niñbim: Gor anggek, biynimb nup angniñep korip mingan wong gipay gok, tap opriyñ dap yokpay gunap diy, tap kiyk taw ñimbay. Biynimb Gor wong giyiñg, tap pik simboñgipay gok kunep, gunap diy ñimbay. ¹⁴Kun ak rek Biyomb anggek, biynimb minim tep nup angñimbay gok kuyip, pen tap ñey ñimbyiñg mey, mindrep giyiñg wong kun ak giniñgambay.

¹⁵Pen nimbip Gor minim tep ak angñirangen dipim rek, maniy tap keñmañgiy nimbip gunap ma dipiyn ak; yip tep yimb gip. Miñiy minj tiksipiyn biy, tap nimbip gunap diyn anggiy ma aspiyn. Mer yimb! Nimb gos yomb kun ak niñnimimb rek ayek, yip wak tikip. Kun gek yand nind kumbinip ak, tep yimb.

Biynimb Kuñaynep Gor Ker Mindeyañ Anggiy, Pol Kalambis Wong Rek Gak

¹⁶⁻¹⁷Pen minim angñirapiyn ak, nimb gunap niñiy angniñgambim, “Gor nup key yimb gisap angniñgambim.” Pen ak mer. Wong nup gipiyn kun ak, nuk ginimin angak rek nep gipiyn; key yimb ma gipiyn. Pen pey ma diy, nimbip wong yikop gi ñimbiyn ak, nuk yip niñek tep giniñgamb anggiy, miñmiñ yimb gipiyn. ¹⁸Pen maniy tap gok ma dipiyn ak, pey yand rek mey, Jiysis minim tep ak, biynimb okok kuyip yikop yimb angñimbiyn. ¹⁹Yand bi taw dap ayey, kalambis wong rek giñemb bap ma mindpiyn ak pen; biynimb kuñaynep Gor ker mindeyañ anggiy, biynimb

miñmon keykey kuyip kalambis woŋg rek gipiyn. ²⁰Jiwda biynimb mindpay namb ak amiy, Krays minim tep ak aŋgñen niñyaŋ aŋgiy, kiy yip mindyŋg, tap kiyy asikpay gok asikpiyn. Kun ak Jiwda low minim kisen gipay namb ak, yand yip wilikiy mindon yip niñey, bi kiyy bap rek ayip. ²¹Pen biynimb Jiwda low minim ma niñbay namb ak amiy, Krays minim tep ak niñyaŋ aŋgiy, kiyy yip yŋgongg giy minden niñey, bi kiyy bap rek ayip. Pen kun giy, monmon giyŋg Gor nup minim ak ma kirpiyn; Krays aŋgip aŋgip rek nep gipiyn. ²²Biynimb Gor ker mindiy, aŋgip ar ak niñrep ma gipay namb ak amiy, Krays minim ak aŋgñen niñrep giyaŋ aŋgiy, kiy yip yŋgongg giy minden niñey, bi kiyy bap rek ayip. Kun ak biynimb miñmon keykey mindpay gok, kurginiŋgiy rek ayek niñiy, gunap Krays nup dey kuyip tungasik dinimuŋ aŋgiy, kiy yip wilikiy aŋgip gipiyn. ²³Gipiyn kun ak, minim tep aŋgip ar ak gen amek, mindrep giyn aŋgiy gipiyn.

Kilis Yimb Giy Gon Amek Mindrep Yimb Giniŋgambun

²⁴Nimb niñbim: biynimb resis gipay gok, kuñaynep resis gipay ak pen, bi nind amjakpay gok wiyn giy tap dipay. Kun ak rek, nimb kunep kilis giy, resis rek ginimimb. ²⁵Biynimb resis giy wiyn gun apay gok, monmon ma gipay; asikrep giy, tap kuyip kilis ñiniŋgamb ak nep ñimbiy, resis giy wiyn gipay. Tap sikoy per ma mindeniŋgamb gok diniŋg kun gipay; chin resis gipun ak, junj ak mindakniŋ gipun. ²⁶Kun ak mey, yand resis gipiyn ak, kilisrimey giy gipiyn. Key okok ma niñbiyn; amniŋg gipiyn miŋgan ak nep niñiy, kasek ambiyn. Pen bi kochiŋ pikpay gok, monmon ma pikpay, niñrep giy pikpay rek ak gipiyn. ²⁷Biynimb gunap kuyip aŋgñen niñbay ak pen; yand key apyap piknim rek ayip ak, niñrep giy nokom gen amjap.

Basind Apis Sikop Kuyip Gak Ak Sakiy Ma Ginjun

10 ¹Yenen: mam ay sikop. Chin Jiwda, basind apis chin wosrey gok, miñmon nep namb okok taŋgyŋg kumyak kesim ak niñbim. Kiyy miñmon Yijip mindiy, Gor semb band tikiy kuyip yiw giy kond mindyŋg, yip am am ñiŋg solwara Likañ apay ak gek, liŋg pis pis amek, kind bindoŋ amniyak. ²Gak kun ak maŋgiyseki niñiy aŋgyak, “Mosis biyomb chin Gor minim aŋgip ak, aŋgniŋgamb rek giniŋgambun aŋgyak.” Miñiy ñiŋg pikñimbay rek, semb band ak sek, ñiŋg Likañ kun ak sek kuyip gak kun ak, Mosis minim ak diniŋgambun aŋgyak. ³Biynimb kun gok maŋgiyseki miñmon nep namb okok amniyakniŋ, Gor Kawnan ak, tap keñmaŋgiy ñakniŋ, ñimbyŋg amniyak. ⁴Pen ñiŋg ñiŋemb ak ma yimb mindek, Gor Kawnan ak gek kamb namb ak wikiy apeki, maŋgiyseki ñiŋyak. Ñiŋg kun ak kamb kiyy yip ameyak namb ak wikiy apeki ñiŋyak. Kamb kun ak mey, Krays nep. ⁵Kun ak maŋgiyseki nup chingniŋgiy ak pen, kuñay yimb nep nuk aŋgak rek ma niñey, nup yiruk gek, kuyip dand

miñmon amniņg gak ak ma dand amek, miñmon nep namb kun okok kinraņgiy, tokiy ay kumyak.

⁶Pen kuyip yerer gak kesim tikyak ak, Gor chinup gos tep niņniņgiy aņgiy gek, Baybol buk ak tikyak. Kun ak kiyk tap Gor mer aņgak gok dun dun aņgiy giyak rek ma ginjun. ⁷Kiyk tap yesek gok simboņgiy, aņgniņyiņg giyak rek ma ginjun. Kiyk giyak ar ak tikiy aņgyak, “Bisgiy tap ñimbyiņg, ñiņg ñimbyiņg, tikjak koņgim paņgyiņg gey amnak aņgyak.”

⁸Pen gunap kunep biyn siy bi siy giy, ñin nokom tiwendiy chiriy tawsin (23,000) kumyak rek, chin kun ma giy, asikrep ginjun. ⁹Gunap Biyomb chin anup alemb alemb ñey; nuk gek ñom kondkol gok, kuyip siwey kumyak ak kunep, niņrep ginjun. ¹⁰Gunap Gor nup aņgiwey, enjol biynimb pikayep gok ap, kuyip pikayey kumyak. ¹¹Gor kuyip gak kun ak, biynimb gos niņyaņ aņgiy gak. Pen chin biynimb Krays tip asaw aņgiy kond mindpun ñin biy niņyaņ aņgiy, Mosis kesim kun ak tikayek, Baybol buk biyaņ riyt giy niņbun. ¹²Pen biynimb key niņrep gipun aņgniņgambay gok, apyap pikniņgiy rek ayip ak, niņrep ginjun. ¹³Tap siy tap timey ginjun aņgiy gos ar keykey wip ak chinup nep ma gip; biynimb okok kuyip kunep gip. Gor chinup aņgak rek kond nep mindeniņgamb ak mey, nuk gek, gos niņniņgambun kun ak tapin apiy, chinup aybiriknimuņg rek ma ayniņgamb. Nup chiņgiy nep mindiy mey, nuk gek tap timey kun gok asikrep ginjun rek ayniņgamb.

Biret Kind Nokom Tipaņg Ñimb Ak, Kiñiņ Nokom Mindpun

¹⁴Kun ak biynimb tep yand gok. Tap yesek, tap yikop gok ma simboņnimimb. ¹⁵Nimb biynimb gos timund sek mindpim ak mey, minim aņgniņg gispiyn ak, niņind akaņ aņgiy, nimb key niņnimimb. ¹⁶Ñiņg wayn ak diy, Gor nup tep aņgiy ñimbun ak, likañ nuk yowak rek, Krays yip jimñiy mindpun aņgiy ñimbun. Pen Gor nup tep aņgiy, biret tipaņg ñimbun ak; mumbwak nup timey giyak rek, chinup direp gip aņgiy ñimbun. ¹⁷Chin biynimb kuņaynep biret kind nokom tipaņg ñimbun ak, biynimb nuk kiñiņ nokom mindpun aņgiy gipun.

¹⁸Pen Jiwda kay gipay ak niņbim. Meymey siypsiyp tap gok dand apiy, Gor nup simboņgniņg pikpay ñin ak, biynimb apiy yip ñimbay gok, gos ar nokom mindek mey, jimñiy ñimbay. ¹⁹Pen tap ñin maņgiy silok gay simboņgipay gok, tap niņind yimb aņgiy nimbip ma aspiyn. ²⁰Biyimb ma niņbay gok, tap yesek kun gok aņgniņsipun aņgiy, kichekiy malñiluk tap gok nep aņgniņiy; Gor nup ma aņgniņbay. Kun ak mey, nimb kiyk yip jimñiy ar nokom kun anep mindeniņgambim ak; tep ma yimb giniņgamb aņgiy aspiyn. ²¹Biyomb chin anup aņgniņiy, ñiņg wayn sek, biret sek ñimb molik biyaņ ay; Seytan nup simboņgiy ñiņg tap ñiņemb nuk ak, ñimb ar biyoņ ma ayjun. ²²Pen kun giniņgambun ak, Biyomb chin ak,

chinup miluk niŋaŋ aŋgiy giniŋgambun. Chin biynimb yomb yimb; Gor bi yikop aŋgiy, kun ak rek ginjun?

²³ Biynimb gunap apay, “Tap ŋiŋemb tap gunap simboŋgiy pik dap maker aypay gok ŋiŋning, tawiy ŋiŋningambun. Low bap kun ak rek ma mindip ak, monmon tawiy ŋiŋningambun apay.” Ak kun apay ak pen, ar kun ak nep niŋiy giniŋgambun ak, tep ma giniŋgamb. Monmon giniŋgambun kun ak, biynimb gunap niŋiy kunep giy, yenen Gor nup kun gipun aŋgiy, gos kuŋaynep niŋningambay. ²⁴ Chin mindrep giniŋgambun ar ak nep niŋiy ma ginjun; biynimb gunap kuyip gosimb niŋiy, kiy mindrep giniŋgiy ar ak niŋiy ginjun.

Gor Nup Yimb Ak Perper Nep Dand Aranjun

²⁵ Pen tap pik maker aypay gok, chipday tap gok simboŋgiy dap maker aypay akaŋ aŋgiy gos yomb ak niŋiy, minim kun ak ma aŋgniŋnimimb; monmon tawiy ŋiŋnimimb. ²⁶ Yenen: Baybol buk ak tikiy aŋgyak, “Miŋmon tap okok maŋgiysek, Gor chinup niŋiy gayak aŋgyak.”

²⁷ Pen biynimb Gor ker ma mindpay gunap nimbip, “Apem tap ŋiŋun aŋgeniŋgiy;” nimb korip kuyip amniŋ, gos kuŋay ma niŋnimimb. Monmon amiy, tap dap ŋiŋniŋgiy gok monmon ŋiŋnimimb. ²⁸⁻²⁹ Pen am mindiy nimbip, “Tap ŋiŋning gispun biy, tap yesek gok simboŋgiy pik dap aypun aŋgeniŋgiy,” ma ŋiŋnimimb. Nimb ŋiŋning ŋimbikip ak pen; kiyk gos kuŋay niŋniŋgiy rek ayek, kuyip nen aŋgiy, kirginiŋgambim. Pen nimb gunap aŋgniŋgambim, “Chinup yenen gos kuŋay niŋningambay. ³⁰ Tap ŋiŋemb kun gok, Gor nup tep aŋgiy ŋiŋningambun ak; yenen chinup gos kuŋay niŋningambay aŋgniŋgambim.” ³¹ Kun aŋgniŋgambim ak pen, tap ŋiŋning akaŋ, yerer giniŋ, Gor nup yimb dand aranemb ar ak nep ginjun. ³² Jiwda biynimb akaŋ, Griyk biynimb akaŋ, Gor biynimb nuk gok niŋey; tep ma giniŋgamb ar ak niŋiy, ma ginjun. ³³ Yand gipiyn ak; yip key tep ginimuŋ ar ak ma gipiyn; biynimb gok Gor nup gosimb niŋey, kuyip dinimuŋ aŋgiy ar ak nep gipiyn.

11 ¹ Kun ak nen, yand Krays gip ar ak niŋiy gipiyn rek, nimb yand gipiyn ar ak niŋiy ginimimb.

Biy Gok Lotiw Namb Ak Jun Pikyiwginiŋgiy

² Nimbip Gor minim aŋgñen niŋdiy, niŋyiyŋ nep mindpim ak; tep yimb aspiyn. ³ Pen miŋiy aŋgñiŋ gispriyn ak niŋnimimb. Biyomb chin Krays Nop aŋgip rek niŋiy gip; bi gok Krays aŋgip rek niŋiy gipay; biyn gok nuŋgumiy kiyk apay rek niŋiy gipay. ⁴ Pen bi gok biyn kay gipay rek, jun ak pikyiwgiy, biynimb gok kuyip minim aŋgñeniŋgambay akaŋ, Gor nup aŋgniŋeniŋgambay ak; Biyomb chin ak, bi yikop par bap rek ayek kun giniŋgambay. ⁵ Pen biyn gok bi kay gipay rek, jun ak miseŋ mindakniŋ, minim aŋgñeniŋgambay akaŋ, Gor nup aŋgniŋeniŋgambay; nuŋgumiy

sikop kuyip tap yikop par bap rek ayek, kun giningambay. ⁶Pen biyn gunap jun kas ma yiwginjun angyi, jun kas kiyk ak tik maŋ giy akaŋ, pisnep tikyokningiy. Pen ar kun ak nambin gonimuŋ, jun ak tomb yiwgiy nep minim angninŋiy. ⁷Gor bi gok kuyip nundkaw rek gayek mindpay ak, jun kiyk ak ma pikyiwginginŋiy. Pen biyn gok, bi gok rek gayek mindpay ak, jun kiyk ak pikyiwgiy nep, minim angninŋiy. ⁸Gor biyn tinglim kind ak diy, bi ma gayak; bi tinglim kind ak diy, biyn gayak. ⁹Pen biyn kondep bap ma mindip angyi, nunŋumiy nup ma gak; bi kondep nup bap ma mindip angyi, biynuk nup gayak. ¹⁰Ar kun ak enjol niŋmindpay rek, biyn gok jun pikyiwgiy mindiy, nunŋumiy angnimuŋ rek giningiy.

¹¹Pen biyn gok kuyip ma anŋ sikoy ginimimb. Biyomb chin ak bi gok kuyip diy, biyn gok kuyip ma kirgip; biyn diy bi diy gip. Kun ak biynimb nup ker mindpim gok; biyn asik key ay, bi asik key ay geningambim, tep ma giningamb. ¹²Gor nind bi tinglim kind ak diy, biyn ak gayak. Miŋiy biyn gok mindiy mey, ŋapan tikyakniŋ, bi gok mindpun. Pen Gor nuk junŋ ak mey, biynimb tap okok maŋgiysek nuk kond mindip. ¹³Pen biyn gok jun ak miseŋ mindakniŋ, Gor nup angninŋingambay ak, tep giningamb akaŋ, nimb key niŋnimimb. ¹⁴Yand niŋbiyn, chin bi gok jun kas paryomb mindeningamb ak, tep ma giningamb. ¹⁵Biyn gok nep jun kas paryomb jakip rek, jun kiyk ak pikyiwgiy mindeningiy angyi gak. ¹⁶Pen biynimb gunap minim aspiyn kun ak niŋiy minim mindonimuŋ, angninŋ angninŋiy. Yand pen gipiyn gipiyn rek ak aspiyn. Biynimb Gor ker mindpay miŋmon okok kunep, ap nan-giy, aspiyn kun ak rek nep gipay.

Biret Sek ŋiŋ Wayn Sek ŋiŋning Girep Ma Giyak

¹⁷Minim bap angninŋ gispiyn. Per ap nan-giy, miŋ tep ar ak ma gipim. Kun ak nimbip minim tep angnim rek ma ayip. ¹⁸Biynimb gunap apay, “Ap nan-giy minim apim ŋin ak, asik keykey aypim anŋey,” minim kun ak gunap gem, niŋind apay angyi niŋbiyn. ¹⁹Pen gos ar keykey niŋiy gem amjap kun ak, biynimb gok mindrep gipay; biynimb gok mindrep ma gipay angyi, miseŋ yimb niŋningambun. ²⁰Pen ap nan-giy tap ŋimbim kun ak, Biyomb biret wayn tap gok jimŋiy niŋnimimb anŋak rek ma ŋimbim; yesek ar ak gipim. ²¹Mam ay gunap yiwan nep mindyakniŋ, kuyip gos niŋiy mer; nimb gunap tap yomb ŋimbis, ŋiŋ wayn kuŋay ŋimbis sakiy aypim. ²²Pen korip nimb ma mindek lotiw mindep tip ak amiy; tap ŋimbyiŋ, ŋiŋ ŋimbyiŋ gipim? Akaŋ, Gor nup niŋem, tap yikop bap rek ayek kun gipim? Mam ay yiwan nen mindpay gok kuyip, nambin yomb ŋimbim kun ak, nimbip yerip angnim? Mindrep gipay angnim? Mer! Nimbip kun ma angninŋayn.

Jiysis Binuk Gok Kuyip Biret Wayn ŋak

²³Yand nimbip biret wayn niŋningambim rek minim angnik ŋin ak, gos yand key niŋiy ma angnik; Biyomb chin ak yip gos ŋak ar ak nep

aṅgnik. Pen Jiysis nup mimuṅ niṅyak ṅin ak, kisyim apek, tap ṅiṅning giy, nuk biret ak diy, ²⁴Gor nup tep aṅgiy, tipaṅ binuk gok kuyip ṅiying aṅgak, “Tip nimbip ak diy kumnim apiyn rek, mumbwak yip di monmon giniṅgambay. Kun ak rek biret tipaṅ aysipiyn biy diy ṅimbyiṅg, yip gosimb niṅnimimb aṅgak.” ²⁵Pen tap ṅimbdeyak, ṅiṅg wayn ak kunep di kap miṅgan ak soṅgiy, kuyip ṅiying aṅgak, “Gor kisen giniṅgayn aṅgiy minim aṅgayak ar ak; likaṅ yip yowniṅgamb rek, nuk yip jimṅiy mindeniṅgambim ak mey; ṅiṅg wayn kun biy, yip gosimb niṅying ṅiṅnimimb aṅgak.” ²⁶Kun ak Jiysis ma andkind wip ṅin biy, biret wayn ṅimbyiṅg nep mindem mey; biynimb gok Jiysis chinup kim diniṅg kumak ak niṅningiy.

Asik Tep Giy Biret Wayn ṅiṅnimimb

²⁷Pen biynimb gunap gosimb niṅiy mer, biret wayn monmon diniṅgambay ak; Biyomb chinup aṅgiy kumimb mumbwak likaṅ nup ak, tap yikop rek ayek, kun giniṅgambay. Gor niṅek tap siy tap timey giniṅgambay. ²⁸Kun ak yergiy rek mindpim ak key niṅiy, Gor yip jimṅiy mindyṅg nep biret wayn ak ṅiṅnimimb.

²⁹Biynimb Jiysis chinup aṅgiy kumimb gosimb ak niṅiy mer; biret wayn monmon ṅiṅningambay gok; kiyk key yiwur diniṅg kun giniṅgambay. ³⁰Ar kun anep, biynimb nimbip gunap mawses giy, tap giy gip; gunap pisnep kumbay. ³¹Gos niṅrep giy ṅiṅningambun ak, minim yomb ma diniṅgambun. ³²Pen biynimb nuk mindpun rek, mindrep ma gon, chinup timund winjikniṅgamb. Timund winjikek mey, gos niṅiy, biynimb man ar biy monmon gipay gok yip, mon key yinṅap ak ma amniṅgambun.

³³Pen mam ay sikop! Tap ṅiṅning ap nan-giy, biynimb gunap tawsak ay ma ṅiṅnimimb; kuyip kond mindiy, jimṅiy ṅiṅnimimb. ³⁴Pen yiwon gek, korip nimbik okok tap ṅimbiy winimimb. Mer ak monmon giy, minim yomb diniṅgambim.

Minim day gunap, kisen mindpim ak amiy, aṅṅniṅrep giniṅgayn.

Gor Kawnan Ak Kilis ṅakniṅ Biynimb Nuk Gunap Kuyip Direp Gipun

12 ¹Pen mam ay sikop. Miṅiy Gor Kawnan ak kilis keykey ṅek, woṅ ar keykey gipun minim ak, nimbip aṅgrop giniṅ gispiyn. ²Nimb niṅbim: nind Krays nup ma dipik ṅin ak, tap gos ma mindip gok nimbip gos lip gek, tap yesek kun gok aṅgniṅ mindyṅgipim. ³Kun ak nimbip aṅgrop gen, niṅrep ginimimb. Gor Kawnan ak gos ṅakniṅ, Biyomb chin ak nup ma aṅgjiwniṅgambay. Pen nuk gos ṅek nep, Jiysis Biyomb chin aṅgiy, biynimb gok kuyip aṅṅimbay.

⁴Gor Kawnan ak gos tep ṅakniṅ, woṅ ar keykey gipun ak pen, Kawnan nuk keykey ma mindip; nokom yimb mindip. ⁵Woṅ ar keykey

giyiyng, Biyomb chin ak nup direp gipun ak pen, nuk kunep nokom yimb. ⁶Gor chin nokom yimb mindip rek, chinup kilis keykey ñakniñ, woŋg ar keykey giyiyng nup direp gipun.

⁷Gor Kawnan chinup kilis keykey ñek, woŋg ar keykey gipun kun ak, biynimb nuk gok mangiysek direp gon, mindrep giyaŋ angiy gip. ⁸Gor Kawnan ak chinup biynimb nuk gunap gos tep ñek, minim nup ak niñiy apun. Pen Kawnan nokom kun ak chinup biynimb gunap gos ñek, Gor minim tep nuk kiñiy ak niñiy aŋñimbun. ⁹Kawnan nuk nokom kun ak chinup gunap gos ñek, Gor nup gosimb niñiyng key yimb gipun: gunap biynimb tap gip gok gon jakambay; ¹⁰gunap tap mageprek gok gipun; gunap Gor minim nup gunap niñiy aŋñimbun; gunap Gor Kawnan akan, tap yerip rek biynimb bak ayek gipay ak niñbun; gunap minim yimb keykey apun; gunap minim yimb keykey aŋgey niñiy, tuŋgandikiy biynimb gok kuyip aŋñimbun.

¹¹Pen Gor Kawnan nokom yimb mindip ak, gos key niñimb rek, chin biynimb nuk mindpun gok, kilis keykey ñakniñ, woŋg ar keykey gipun.

Woŋg Ar Keykey Giy Krays Nup Direp Gipun

¹²Mumbwak chin nokom yimb mindip ak pen, day nuk kuŋaynep mindip. Kun ak rek, chin Krays biynimb nuk gok mindpun. Chin kuŋaynep woŋg ar keykey gipun ak pen, biynimb kiñiy nokom yimb mindpun. ¹³Chin Jiwda biynimb gok, Jiwda mer gok; biynimb yimb mindip gok, yimb ma mindip gok Gor Kawnan nokom kun anep, chinup mangiysek ñiyng rek pikñek, Krays mumbwak nuk nokom rek mindpun.

¹⁴Mumbwak ak nokom ak pen, day nuk kuŋay mindip. ¹⁵Tomb kind ak, ñin kind ak niñek nuk yomb rek ayek, yand sikoy aŋgningamb ak; yikop aŋgningamb. Kiyk mumbwak nokom mindiy, woŋg jimñiy gipiy. ¹⁶Timund ak, windin ak niñiy, nuk yomb yand sikoy aŋgningamb ak yikop aŋgningamb. Kiyk mumbwak nokom ayek, woŋg jimñiy gipiy.

¹⁷Pen chinup gayak ñin ak, windin okok mangiysek gaypikop ak; yergiy minim aŋgey timund pik niñbinup? Pen timund mangiysek nep gayambikop; yergiy kuy puŋg niñbinup. ¹⁸⁻¹⁹Kun ak rek, chin Krays biynimb nuk mindpun gok mangiysek ar nokom ma gipun. Gor Kawnan ak key niñek tep gip rek, kilis keykey ñakniñ, ar keykey gipun. ²⁰Kun ak mey, mumbwak nokom ak pen; day nuk kuŋaynep mindip.

²¹Pen windin ak, ñin kind ak yenen yand yip mindip; woŋg nuk bap ma mindip angiy, asik am keynep mindiy, mindrep ma giningamb. Jun won ak, tomb kind ak yenen yand yip mindip; woŋg nuk bap ma mindip angiy, asik am keynep mindiy, mindrep ma giningamb. ²²Mumbwak day gunap, day gunap kuyip woŋg nimb bap ma mindip angiy, asik keykey ay, mindeningiy rek ma ayingamb.

²³Mumbwak chin day yikop gok, chech mokyaŋ tap gok ay gipun rek, yimb dand aranbun. Day biynimb niñey, tep ma giningamb angiy

pikiywigipun gok, per direp gipun kun ak rek, yimb dand aranbun. ²⁴Kun ak rek nep, chin Krays biynimb kiñiñ nuk mindpun. Biynimb yimb ma mindip gok, Gor gek yimb mindip. ²⁵Asik keykey ma ayniñgiy aŋgiy, nuk gek biynimb yimb ma mindip gok yimb dey, biynimb nuk gunap yip, andip andip rek mindiy mey, penpen simb niñbay. ²⁶Pen day bap miker gek niñey, mañgiysek simb gip; pen day bap mindrep gek niñey, mañgiysek tep gip.

²⁷Chin Krays kiñiñ nuk mindpun gok, ñin kind tomb kind nuk ak mindiy, aŋgip rek gipun. ²⁸Biynimb kiñiñ nuk mindpun namb ak, nuk chinup aŋgayip rek: nind bi Jiysis minim dand amemb gok mindpun; namb ak bi Gor minim aŋgep gok mindpun; namb kaney ak minim nup aŋñemb tiysa gok mindpun; gunap tap mageprek gok gipun, gunap biynimb tap gip gok kuyip gon jakambay; gunap biynimb simb niñiy direp gep gok mindpun; gunap biynimb gok kuyip kond mindnukniñ, mindrep gipay; gunap minim yimb keykey gok apun.

²⁹Pen chin mañgiysek bi Jiysis minim dand amemb ma mindpun. Mañgiysek bi Gor minim aŋgep ak ma mindpun. Mañgiysek tiysa ma mindpun. Mañgiysek tap mageprek gok ma gipun. ³⁰Mañgiysek biynimb tap gip gok gon ma jakambay. Mañgiysek minim yimb key gunap ma apun. Mañgiysek minim yimb keykey apay rek niñiy, tungandikiy biynimb gok kuyip ma aŋñimbun. Yenen: Gor Kawnan ak chinup kilis ar keykey ñimb rek, nup woŋg ar keykey gipun.

³¹Kun ak Gor Kawnan chinup kond mindakniñ, Gor nup woŋg tep yimb bap ginjun aŋgiy, ginimimb.

Pen miñiy nimbip tep yimb giniñgamb ar ak aŋgniñ gispiyn.

Penpen Wasemb Ayep

13 ¹Chin biynimb gunap kuyip wasemb ma ay, yikop kuyip minim yimb keykey aŋgniñgambun akañ, enjol minim apay rek aŋgniñgambun ak, tep ma giniñgambun. Kun gon bel ak pikey pikey, biynimb gok timund pikniñiy, kirpay rek nep ayniñgamb. Pen biynimb wasemb ayniñgambun ak tap yomb yimb.

²Chin Gor biynimb nuk mindpun gok; gunap Gor minim aŋgep gok mindeniñgambun, gunap gos tipaŋgiy key yimb niñniñgambun; gunap Gor nup gosimb niñiy, yirik won gunap aŋgon key okok amniñgamb. Pen ak minim yomb mer; ak yikop kun giniñgambun. Tap yomb yimb mey; biynimb gok kuyip wasemb ayniñgambun ak.

³Pen tap chin mañgiysek mindip rek, bilok biynimb tap ma mindip gok kuyip ñiniñgambun akañ; Gor woŋg ak ginukniñ, biynimb gunap chinup miluk niñiy, mon yinimb namb ak diyokey kumniñgambun ak; Gor nup tep giniñgamb aŋgniñgambun ak pen, wasemb ma ayniñgambun rek, giniñgambun kun ak tep ma giniñgamb.

4-5 Pen biynimb Gor nup wasemb ay, biynimb gunap kuyip wasemb ay gipay gok, mind tep yimb gipay. Biynimb gok kuyip simb niñiy mey, kuyip timey gey, kal ma jipay; biynimb gunap tap tep dey, kuyip miluk ma niñbay; chin key biynimb yomb mindpun angyiy monmon ma gipay; kapkap mindrep yimb gipay. Tap tep gunap niñiy mapin ma aypay; biynimb niñiy miluk sek ma mindpay; kuyip timey gey, gos kun ak niñying ma mindpay. 6 Miñ timey ar ak kuyip tep ma gip; Gor miñ ar ak kuyip tep gip. 7 Pen miker yerip yerip gunap kuyip apek, Gor nup ma kirpay; nup chingiy mindpun ak, mindrep yimb giningambun angyiy, tep gakniñ nep mindpay.

8 Pen kisen Gor Kawnan chinup gos ñek minim nup angnimbun ak; ma angniningambun. Chinup gos ñek minim yimb keykey apun gok, ma angniningambun. Day niñbun miñ ak kunep, pungrikningamb ak pen; wasemb aypun miñ ak, per yimb nep mindeningamb. 9-10 Yenen: chin miñiy ar ar nep niñiy angnimbun; kisen ar ar niñbun rek kirgiy, niñrep yimb giy mindeningambun.

11 Miñiy ñapan ñaṅ gos niñiy apay rek angon wip; pen kisen biynimb yomb niñiy apay rek angying; ñapan ñaṅ gos niñiy apay rek ak kirginingambun. 12 Miñiy ñing kawnan paṅniñbay rek ak niñbun: kisen ñin kun ak, Krays chinup niñrep gip rek ak, nup niñrep giningambun.

13 Kun ak minim yomb omiṅal nokom mindip: Gor nup gosimb niñep ak; nup gos sek kond mindep ak; wasemb ayep ak. Pen minim yomb yimb ak mey, wasemb ayep ak.

Gor Kawnan Nimbip Bak Ay Mindakniñ, Minim Keykey Apim

14 1 Gor chinup kond mindakniñ, biynimb gok kuyip wasemb ay, direp ginjun angnimimb. Kun ak Gor nup woṅg nuk ar gunap ginjun angying, biynimb gok kuyip minim nup angnemb rek ayingamb ak, tep yimb kun giningambim. 2 Pen alemb andik mandik giy, Gor minim angningambim ak, minim yerip aspay angyiy, ma niñningambay; Gor nep niñningamb. 3 Gor minim miseṅ angem mey, biynimb niñiy mindmaṅgiy limgek, Gor nup direp yimb giningambay. 4 Kun ak, biynimb Gor Kawnan gek, alemb andik mandik giy Gor minim apay gok, keynep angying niñying giy, Gor nup direp giningiy rek ayip ak pen; biynimb Gor minim miseṅ angniningambay gok, minim angrep gey, Gor biynimb nuk kuṅaynep niñiy, nup niñrep giningambay. 5 Nimb maṅgiysek alemb andik mandik giy Gor minim angningambim ak, yip tep giningamb ak pen; tep yimb giningamb ak, minim nup miseṅ angniningambim. Miseṅ angneningambim, biynimb niñiy, Gor nup direp giningambay. Pen alemb andik mandik giy angeningambim, biynimb gunap minim kun ak niñiy, junj anḡip ak kun kun giy mindip angyiy, biynimb gok angneningambay nep, Gor nup gosimb ak niñrep giningambay.

⁶Pen yand mindpim ak amiy, minim yimb key bap angying, Gor minim angingayn; nimb yergiy niñiy, Gor nup chingrep yimb giningambim. Pen Gor yip gos ñek angen akan, gos timund yip wip rek gunap angen akan, Gor minim tep nuk gok angñen niñem mey, Gor nup chingrep yimb ginimimb rek ayingamb.

⁷Giyta, gawimb tap okok pikey, biynimb gunap yergiy, minim asap mey ak angyi niñningambay? Tap gos niñep rek, kun kun aspun angyey niñningiy.

⁸Pen biykul ak kunep pungey angyep ma gek, an tikjakiy penpen gining gispun angyi, kond mindeningamb? ⁹Kun ak rek mey, nimb biynimb gok kuyip, minim yimb key bap angyi Gor minim ak angñeningambim; yergiy minim aspay ak angyi, niñningambay. Nimbik keynep angy angy kirgingambim.

¹⁰Pen man ar biy minim yimb keykey mindip rek, minim kiñiñ ak mindakniñ apay; yikop ma apay. ¹¹Biynimb gunap minim angyey ma niñningambun ak, chinup niñey, biynimb paryomb okok nimb rek ayingamb. Chin pen kuyip niñon, kunep giningamb.

Minim Yimb Keykey Angning, Gos Niñrep Giy Angnimimb

¹²Nimbip kun ak rek nep giningamb ak, niñrep ginimimb. Gor Kawnan chinup gos ñakniñ, wong nup ak gun angyi kilis gipim ak; niñrep giy, biynimb nuk gok kuyip, direp giningambim ar gok nep ginimimb.

¹³Pen alemb tungandikek minim yimb keykey angying, Gor nup angyningem, nimbip gos ñakniñ, kun kun aspun angying angñinimimb.

¹⁴Mer ak, minim yimb keykey angying, Gor nup angyningayn ak pen, minim kiñiñ aspiyn ak angyi ma niñningayn; biynimb gok kunep ma niñningambay. Namb yand biyan key kun angan angyek nep angyningayn.

¹⁵Kun ak yand minim yimb keykey angyi, Gor nup angyning akan, kamep angying; gos niñying, biynimb niñningiy rek ar ak nep angyningayn.

¹⁶Nimbip Gor Kawnan ak gek, minim yimb keykey angying, Gor nup tep angyem, tep giningamb ak pen; biynimb gok kiyk ma niñiy, yergiy nimb yip yingong giy, Gor nup tep angying mindeningambim? ¹⁷Gor nup tep angying mindeningambim ak pen; kiyk minim kun ak niñiy rek, Gor nup gosimb niñningiy. Minim ak kiyk key aspay angyi niñningambay.

¹⁸Pen Gor Kawnan gek, minim yimb keykey apun ak, nimbip nep ma gip; yip kunep gek, minim yimb keykey kunaynep per apiyn ak, nup tep apiyn. ¹⁹Pen biynimb ap lotiw mindyakniñ, minim yimb key okok nimb bap angyon ma niñningambay ak; minim niñbay ak nep miser angyon, yip tep giningamb.

²⁰Pen mam ay sikop. Ñapan angy niñbay rek nep ma niñnimimb; biynimb yomb gosimb niñbay rek niñnimimb. Tap siy tap timey gep ar ak nep, ñapan angy rek mindenjun.

²¹Jerusalem biynimb wosrey, Gor nup kirgiyak rek, bi Gor minim aṅgep Asaya Baybol buk ak tikiy aṅgak, “Gor aṅgip, ‘Yand biynimb guniy timund winjikniṅ, biynimb par okok nimb aṅgen apiy, minim yimb kiyk aṅgyakniṅ, biynimb guniy ma nep niṅniṅgambay aṅgip’ aṅgiy” tikayak. ²²Kun ak niṅbun: Gor Kawnan ak gek, minim yimb keykey apay ak, biynimb nup gosimb ma niṅbay gok niṅniṅgiy aṅgiy gip. Pen gek minim tep miseṅ aṅḡimbay ak, biynimb nup gosimb niṅbay gok, nup direp yimb giniṅgiy aṅgiy gip.

²³Pen nimb Gor biynimb nuk mindpim gok, ap nan-giy, alemb tuṅgandikek minim yimb keykey aṅgiy Gor minim aṅgeniṅgambim; biynimb Gor ker ma mindpay gok nimbip niṅiy, biynimb gok sakiy ayek aspay aṅniṅgambay. ²⁴⁻²⁵Pen Gor minim miseṅ aṅḡiṅiyiṅ mindem, biynimb kun gok rek gunap ap niṅiy, tap siy tap timey kapkap gipay gok, gos yomb yimb niṅiy, Gor nup niṅey jel gek, koṅgim yimiy, yimb nup dand aranyiṅ aṅniṅgambay, “Niṅind! Gor yip mindpim aṅniṅgambay.”

Lotiw Ak, Yipund Giy Nep Ginimimb

²⁶Kun ak mam ay sikop. Yand aspiyn: ap nan-giniṅgambim ṅin ak, bap kamep aṅniṅgamb; bap minim aṅḡiniṅgamb, bap Gor gos ṅimb rek minim ak aṅḡiniṅgamb, bap minim yimb keykey aṅgiy aṅniṅgamb; bap minim aṅniṅgamb kun ak, tuṅgandikiy kun kun giy aṅgip aṅniṅgamb. Kun ak mey, biynimb niṅiy mindrep giniṅgiy ar gok nep ginimimb. ²⁷Pen alemb tuṅgandikiy minim yimb keykey aṅniṅ, biynimb omiṅal akaṅ, omiṅal nokom nep aṅniṅgiy. Kuṅaynep ma aṅniṅgiy. Pen biynimb nokom bap tikjakiy minim aṅgek, bap pen, kun kun giy aṅgip aṅgnimuṅ. ²⁸Pen minim kun kun giy aṅgip aṅgiy aṅḡinimuṅ bap ma mindonimuṅ; alemb tuṅgandikiy aṅniṅgamb ak, minim kun ak biynimb gok kuyip ma aṅgnimuṅ, nuk key kapkap Gor nup aṅniṅiyiṅ mindonimuṅ. ²⁹Biynimb omiṅal akaṅ, omiṅal nokom, Gor minim tep ak aṅḡiyakniṅ, biynimb gunap Gor minim ak yipund giy aspay akaṅ, yesek aspay aṅgiy, joṅimb kind ak niṅmindeniṅgiy. ³⁰Pen biynimb yikop niṅmindeniṅgambay kun gok, gunap Gor Kawnan ak gek, gos tep paṅgyikek, bi nind tikjakiy aṅgonimuṅ ak, gos kun ak niṅiy bisgek, bi kisen ak tikjak aṅgnimuṅ. ³¹Kun ak nimb maṅgiysek minim tep ak, aṅg dand amiy apiy giy mey, Gor nup gos ak niṅrep giy, mindrep giniṅgambim.

³²Pen biynimb Gor minim aṅgep gok, joṅimb kiyk key kond mindyiṅ, minim aṅgep won ak nep apay. ³³⁻³⁴Yenen: Gor gek biynimb nuk gok monmon ma gipay; gos niṅyiṅ gey amek, kapkap mindrep gipay.

Pen nimb ap nan-giy, biyn gok bi rek minim ma aṅniṅgiy. Bi gok aṅgey, biyn gok yikop niṅniṅgiy. Krays biynimb nuk miṅmon okok, kun

ak rek nep gipay. Baybol buk tikyak minim ak, kunep kun ak rek nep mindip.

³⁵Pen biyn gok minim gunap sek niñun angyiy, korip okok amiy, nuñgumiy sikop kuyip angniney, angnirep giningiy. Lotiw namb ak biyn tikjakiy minim angneningambay, tep ma giningamb.

³⁶Akar nimb nep Gor minim ak niñrep gipim, biynimb okok ma niñbay?

³⁷Biynimb Gor Kawnan yip mindpun apay gok sek, biynimb minim nup angep mindpun apay gok sek yand Gor angyip rek nep aspiyn ak niñningiy. ³⁸Pen biynimb gunap minim kun biy ma niñey, minim angningiy ak ma niñnimimb.

³⁹Kun ak mam ay sikop. Gos yomb nimb ak Gor minim angninjun angyiy niñnimimb. Pen biynimb alemb tuñgandikiy minim yimb keykey angying Gor minim apay gok kuyip, kirgim ma angnimimb. ⁴⁰Pen kilpul angying monmon ma ginimimb, niñrep giying gem amnimuñ.

Krays Kumiy Tip Ak Tikjakak

15 ¹Mam ay sikop. Krays minim angenik diy mindrep gipim ak, sakiy ginimimb rek ayip angyiy, tip ak angnirep gining gispiyn.

²Minim tep kun ak nimbip angen niñiy dipik ak mey, Gor nimbip dek, biynimb nuk mindpim. Pen mer ak biynimb nuk ma mindembikip.

³⁻⁴Minim yomb yand niñnik ak, nimbip angyiy angnik, “Chin tap siy tap timey gipun rek, Jiysis chinup nen angyiy kumek komey, ñin omiñal nokom mindiy, tip tikjakak ak mey; Baybol buk ak tikiy giningamb angyak rek nep gak angnik.”

⁵Pen Jiysis kumiy tip ak tikjakiy, Piyta mindek siñak misenñ gek, nup nind niñak. Kisen misenñ gek, bi minim nup dand amemb anep wimingan ak niñyak.

⁶Kisen tip ak misenñ gek, mam ay payp handret rek niñyak. Mam ay kun gok gunap kumyak; pen mangiysek rek mindpay. ⁷Kisen ñin bap misenñ gek, Jemis niñak. Ñin bap pen, bi minim nup dand amemb gok kiyk mangiysek niñyak.

⁸Pen biynimb gunap nup niñyak ñin ak apiy pandikek, kisen yand kunep nup niñnik. Kun ak yand ñapan tikrep ma gipay rek bap mindenik yip dak.

⁹Yand bi timey biynimb nuk gok kuyip, timey yimb giyingipiyn ak; Jiysis minim nup dand amemb bap mindenim rek ma ayak ak pen; ¹⁰Gor yip simb niñiy dek, binuk mindiy, key yimb gipiyn. Bi minim nup dand amemb gunap woñg gipay rek ma gipiyn; yip simb niñiy direp yimb gek, woñg yomb yimb ak gipiyn. ¹¹Yand nep Gor nup woñg ak gipiyn angyiy ma angningayn; kiy nep gipay angyiy ma angningayn; chin mangiysek Krays minim tep ak, ar nokom angnon amek, nimb niñiy dipim.

Biynimb Kumyak Gok Tip Tikjakningambay.

¹²Pen Krays kumiy tikjakak angyiy minim per apun ak, nimb gunap yenen ma niñiy apim, “Biynimb gok kumiy tip ak ma tikjakpay apim?”

¹³Pen angningambun kun ak, Gor Krays nup gek tip ak ma tikjakip angyiy angningambun.

¹⁴Pen Krays tip ma tikjakpikop ak, minim tep apun ak minim rek ma ayek, nup gosimb niñiy chingipik ak, ma chingipikip. ¹⁵⁻¹⁶Biynimb kumiy ma tikjakep rek ayombikop, Krays nup gek ma tikjakpikop. Gor gek tikjakak minim tep per apun ak, yesek nep apnup. ¹⁷Pen minim angnuk ak diy, Gor biynimb nuk mindpim rek ma mindembikip; biynimb tap siy tap timey giy, pisnep kumbay rek ak mindembikip. ¹⁸Biynimb Krays nup chingiy kumyak gok, am Gor yip mindeniñgiy rek ma aypikop.

¹⁹Chin Krays nup diy mey, gos sek mindpun. Pen lum ar biy mindiy, pisnep kumbinup rek ayip angiy, biynimb simbgeprek yimb gok mindombinup. ²⁰Pen Gor gek Krays tikjakiy nup ker amek mey, biynimb nup ker mindpun gok, kunep giniñgambun ak niñrep gipun.

²¹Andam gek, biynimb kind nuk ak mañgiysek kumbay; Krays gek, biynimb kind nuk ak mañgiysek tikjakniñgambay.

²²Minim aspiyn kun ak, Andam biynimb kind nuk ak mañgiysek kumniñgambay; Krays biynimb kind nuk ak mañgiysek kim mindeniñgambun angiy aspiyn. ²³Pen Gor Krays nup nind gek tikjakiy, am nuk yip mindip ak mey, kisen apiy biynimb nup ker mindpun gok gek, mañgiysek tikjakniñgambun. ²⁴Ñin kun ak ñin kisen yimb winiñgamb ak mey; biynimb, tap yerip yerip nuk kond mindeniñgamb gok mañgiysek, Nop nup angek kond mindeniñgamb. ²⁵Yenen: Krays biynimb tap okok kond mind dand amiy, Nop gek; biynimb yomb, biynimb tam okok; kichekiy, malñiluk tap yerip yerip mindip gok, Krays beñ okok mindeniñgambay. ²⁶Ñin kun ak kunep gek, biynimb gok tip ak kumniñgiy rek ma ayiñgamb.

²⁷Pen Nop biynimb tap okok mañgiysek, Ñinuk Krays beñ okok ayiñgamb angiy tikyak ak, Nop nup sek ma angyak. Nuk nep gek, Ñinuk Krays nup beñ okok mindeniñgambay. ²⁸Chin biynimb tap okok mañgiysek, Ñinuk Krays beñ okok mindnukniñ, nuk angniñgamb, “Bapiy miñiy, nand biynimb tap okok mañgiysek kond mindeniñgamban. Yand beñ nip okok mindeniñgayn angniñgamb.” Kun ak mey, Nop biynimb tap okok mañgiysek yimb kond mindeniñgamb.

²⁹Biynimb kumbay gok, tikjakniñgambay apiyn ak niñbim. Pen Gor gek ma tikjakniñgambay angiy, biynimb gunap yenen, numiy numam kumbay gok kuyip nen ñiñg pikpay? Kiyk tikjakniñgiy angiy nep kun giniñgambay. ³⁰Pen chin kunep, kumiy tikjakniñgambun ak niñiy, chinup per timey giniñg gipay ak, gos yomb ma niñbun. ³¹Minek minek Gor nup angniñyiy apiyn, “Kumniñg kumniñgayn. Minim ma mindip apiyn.” Yand nep Gor minim angenik niñiy dipik ak mey, biynimb mapin yand mindpim. Nimbip niñind apiyn. ³²Pen miñmon Yipiyses biy apiy, minim tep ak angñiyn angiy, kayn ayndik gok yip penpen gipiyn. Biynimb gunap apay rek, kumiy pisnep kumniñgambun angiy apnip ak; “Miñiy mindpun ñin biy, tap tep tep ñimbyiñg, ñiñg kilis ñimbyiñg gi mindonjun; kumiy pisnep kumniñgambun apnip.”

³³Pen biynimb gos kun ak rek niñbay gok, yip ma mindenimimb. Biynimb mindrep gipay gok, biynimb timey gipay gok yip yiñgong giy, ar kun ak nep giniñgambay. ³⁴Pen gos key niñiy timey gipim ak kirgiy, mindrep ginimimb. Nimb gunap Gor nup gosimb ak ma niñbim ak pen; nambij ma gip.

Tip Ak Tikjakiy Key Yimb Mindpay

³⁵Pen nimb gunap, biynimb kumbay gok yergiy rek tikjakniñgambay; mumbwak kiyk ak yerip rek mindeniñgamb anгий niñbim? ³⁶Nimbip sakiy ayek kun giy niñbim! Tap yiñ mañgiy gok yokon, wak ak sek mindiy ma jakip; kuyiñ yapiy nep jakip. ³⁷Pen lays mañgiy, wiyt mañgiy akañ, tap yerip mañgiy yokpun ak, jak yomb gip rek ma jiw yimbun; mañgiy sikoy gok nep yokon jakip. ³⁸Pen mañgiy keykey yokpun kun gok, Gor jaknimuñ anгий niñayak rek jakip.

³⁹Mumbwak gok kunep keykey mindip. Biynimb gok key ayak; kimin, kayn, kanj gok key ayak; piys gok key ayak; yakir gok key ayak. ⁴⁰Mumbwak man ar biy ker gok key mindip; semb biyoñ ker gok key mindip. Man ar biy ker tep ñiluknimb gok key mindip; semb biyoñ ker tep ñiluknimb gok key yimb mindip. ⁴¹Pen pumb melik tep ak key ay, takin melik tep ak key ayak. Gap melik tep ak key mindip. Pen gap gok kunep keykey mindip. ⁴²Biynimb kumiy tikjakpay mey, kun ak rek. Kumon kaw diniñgambay mumbwak ak key mindip; tikjakiy per mindoniñgambun mumbwak ak key mindeniñgamb. ⁴³Kaw dipay mumbwak ak perper mindonimuñ rek ma ayip. Tikjakniñgambun mumbwak tep yimb ak, Gor yip perper mindeniñgamb. ⁴⁴Lum ar biy mumbwak mindip rek kumbun; tikjakniñgambun mumbwak tep ak diy, tikjakniñgambun. Gor chinup mumbwak lum ar biy gayek mindpun rek ak; nuk yip mindep ak, kunep gayek mindeniñgambun.

⁴⁵Baybol buk tikiy angyak, “Gor Andam nup gay, meñg miñgan puñgek, añiñ ay, biyimb ayak angyak.” Pen Andam kisenimb ak nuk key Kawnan ak mey, biynimb gek perper mindeniñgambay. ⁴⁶Kun ak mey, nind mumbwak yikop ak diy mindiy; kisen Gor yip mindep mumbwak tep ak diniñgambun. ⁴⁷⁻⁴⁸Bi Andam nindnimb ak man ar biy nimb; bi Andam kisenimb ak semb biyoñ nimb. Biynimb mañgiysek Andam nup man diy, gayek mindyiñgip rek mindpay; pen biynimb Krays nup dipay gok, nuk semb biyoñ mindip rek ak mindeniñgambay. ⁴⁹Miñiy mindpun ak, Gor man diy gayak bi ak rek mindpun; pen kisen Bi semb biyoñ nimb awak ak rek mindeniñgambun.

⁵⁰Mam ay sikop. Nimbip aspiyn: mumbwak yikop ak, Gor biynimb nuk diy kond mindeniñgamb namb ak, amnimuñ rek ma ayip. Tap kasek tokiy ay kum kuyiñg yowip ak, perper mindonimuñ rek ma ayip.

⁵¹Pen nimbip minim ma niñyiñgipay bap angniñg gispiyn. Chin Krays biynimb nuk mindpun gok mañgiysek ma kumniñgambun. Gunap kumiy,

mumbwak kisenimb diniᅅgambun; gunap kim mindiy, mumbwak kisenimb ak diniᅅgambun. ⁵²Nin kun ak biykul kisen ak anᅅek, kasek aᅅiᅅak rek diy, biynimb nuk kumniᅅgambun gok, mindoniᅅgambun gok maᅅgiysek, mumbwak kisenimb ak diniᅅgambun. ⁵³Mumbwak chin kuyiᅅg yowep ak perper mindonimuᅅ rek ma ayip; pen miᅅiy mindip ak gek, kim kisenimb ayek mey, perper mindonimuᅅ rek ayningamb. ⁵⁴Nin kun ak minim tikiy anᅅyak rek giniᅅgamb. Minim kun ak tikiy anᅅyak, “Biynimb kumyiᅅgipay rek ma kumniᅅgambay anᅅyak.” ⁵⁵Pen biynimb ma kumniᅅgambay rek kamep bap tikiyak ak, Gor anᅅgak,

“Kilis nand akay? Chim yakam nand akay mindek, biynimb yip gok gey kumniᅅgambay?”

⁵⁶Low mindakniᅅ, tap siy tap timey gipun gok, tap yomb yimb ayek, pisnep kumemb rek ayip. ⁵⁷Pen Gor chinup anᅅgiy, Jiysis Krays nup yokek apek, biynimb nup ker mindpun gok, kumiy pisnep ma kumniᅅgambun; tikjakniᅅgambun. Kun ak niᅅiy, Gor nup tep anᅅjun.

⁵⁸Pen mam ay tep yand gok. Gor nup ma kirginjun; chinᅅgiy nep mindenjun. Kumiy tikjakniᅅgambun anᅅgiy, gos sek mindiy, nup direp giyᅅg nep mindenjun.

Opriyᅅ Gunap Dayrep Genimimb

16 ¹Gor biynimb nuk Jerusalem mindpay gok kuyip yiwan yomb apek; maniy di nan-giy ᅅiniᅅgambim minim ak, anᅅniᅅg gispiyn. Gor biynimb nuk miᅅmon yomb Galesiya sek, miᅅmon sikoy kun okok sek kuyip anᅅen, giyak rek nimb kunep ginimimb. ²Nimb maᅅgiysek maniy yerip yerip dipim ak niᅅiy, Sandey ᅅin gok gunap di nan-genimimb mey; mindpim ak amjakiy, maniy nen ma anᅅranᅅenim.

³Pen ᅅin kun ak, bi nimb key niᅅem tep gip gok anᅅgiy, maniy kun ak miᅅj sek tikiᅅem, dand Jerusalem amniᅅgiy. ⁴Pen yip amemb rek ayek, yand yip amniᅅgambun.

⁵Masedoniya propens amniᅅg gispiyn rek, kun okok amiy, mindpim ak niᅅniᅅgayn. ⁶Nimb yip sikoy won bap mindenim rek ayip. Yombip ayip ᅅin biy nimb yip mindiy, amniᅅg yip dam kinᅅenᅅamb ak yokem amniᅅgayn. ⁷Nimbip am kirak niᅅiy amemb ak, yip tep ma gip. Biyomb chin ak yaw anᅅek, tapin mindiy amniᅅgayn.

⁸Yand miᅅmon Yipiyses biy mindiy, Pendiᅅkos ᅅin yomb ak apiy pandikek kisen niᅅniᅅgayn. ⁹Miᅅmon kun biy, biynimb yip yiruk niᅅbay gok kuᅅay mindpay ak pen, Gor woᅅg tep ak kuᅅay mindip.

¹⁰Pen Timotiy mindpim ak apek, nup direp gem, ma piriknimuᅅ. Nuk yand Biyomb anup woᅅg gipiyn rek nep gip ak niᅅiy, ¹¹ma kirginimimb. Maᅅgiysek nup direp gem mindiy, kisen amniᅅg, dap kinᅅenᅅamb ak yokem, mam ay gunap yip mindpiyn biy winiᅅgiy.

¹²Pen mam Apolas nup nembnemb giyᅅg apiyn; mam gunap Koriyn amjipay rek, yip amninin apiyn ak pen, nuk miᅅiy ma niᅅniᅅgamb. Kisen nemb rek ayek niᅅniᅅgamb.

Minim Day Gunap Sek Angak

¹³Niņyiny mindenimimb. Gor nup gosimb niņmindiy, ma piriknimimb. Nup chingrep giy, ¹⁴biynimb wasemb ayep ar ak gem amnimuņ.

¹⁵⁻¹⁶Mam ay sikop. Nimb niņbim; Griyk kay Krays nup diyak gok, Stepanas biynimb kind nuk ak nind diyak. Diy mey, biynimb Gor ker gok kuyip wasemb ay, direp giyiny nep mindpay. Biynimb yand gok nimbip aspiyn; biynimb tep kun gok rek niņiy, aņgningiy rek nep ginimimb.

¹⁷Pen nimb ap yip niņnimimb rek ma ayek; Stepanas, Potiwnatas, Akaykas ap yip niņbay ak, yip tep yimb gip. ¹⁸Gipay kun ak, chinup maņgiysek tep gip rek, kuyip wasemb ayjun.

¹⁹Pen biynimb Gor ker mindpay miņmon keykey Esiya propens biy, nimbip Koriyn kay, “Mindpim?” apay. Akiwiyla biynuk Priysiyla sek, Koriyn biynimb akniy mindpay gok sek apay, “Gor nimbip kond mindonimuņ apay.” Biynimb ap korip kuyip ber lotiw gipay gok kunep apay. ²⁰Pen mam ay maņgiysek, “Nimb mindpim?” apay. Chin Gor biynimb nuk gipun rek, nimb maņgiysek penpen niņ piksaknimimb.

²¹Yand Pol, minim day won biy niņ maņgiy yand ak key tikiy “Nimb mindpim?” aspiyn.

²²Biynimb Gor nup gosimb ma niņniņgiy gok yiwur yomb diniņgiy. Biyomb chin ak kasek winimuņ!

²³Biyomb chin Jiysis, nimbip simb niņiy direp ginimuņ.

²⁴Yand Jiysis Krays binuk mindpiyn ak, nimbip maņgiysek wasemb aypiyn.